



江湖長翁文集目錄

宋高郵陳造唐卿撰

明仁和李之藻振之校

五卷

五言古詩

張秀才復畱爲作
次臧秀才讀蘇集

送臧子與子儀之楚州告免解二首

寄陳用晦四首
次余簿韻

檢早望礧山
三山磯

江浦長翁文集 目錄卷之五
謝宋宰惠玉友麴方

病起閑步

示師文

辛丑春雪甚意有感

答毛叔子

有歎竝次韻共二首

王曹小燕玻璃分韻得路字

送李監嶽二首

次韻王漕燕玻璃

題五柳先生詩編年後二首

次章房陵韻共八首

次梁教章宰喜雪韻九首

贈章宰並次韻共二首 呈交代

至喜鋪

報恩方丈小憇二首

十詩謝廖計使

涑口守風

買薤

渡楊子

赤口灘

鴈汊東守風四首

題解禹玉文卷後

贈廣教主人並次韻共二首

次前韻

清明西湖再次韻

六卷

五言古詩

止 旅館三適三首

官務

六 犇牛堰

呂城堰

命書

正學

財昏

聽政

錢弊

次韻林郎中相送北歸

次韻楊宰

送羊侯因簡崔帥

題陳守宰仁和無倦堂二首

次韻楊宰共二首

贈張德恭

次韻張守阻冰

遊北山並次韻敬字共五首

分韻得家字

遊乾明分韻得山字

小飲頰江樓分韻得俯字

招朱法曹趙宰趙予野飲二首

儀真諸公餞別

真州諸公語別

送趙夷仲南歸

立秋日

寄巖文炳十首

次韻楊宰檢旱野宿

題劉行父淨香軒

次姜堯章贈詩卷中韻五首

次韻林子長計使中贈正次林子長韻共二首

陳宣卿為予作後雕圖

次趙判宗送李象山韻二首贈謝宰劄早禮部

次程帥勸農和陶詩韻 程帥和陶詩見憶次韻

次程帥勸農和陶詩韻

次程帥勸農和陶詩韻

次程帥勸農和陶詩韻

次程帥勸農和陶詩韻

卷之六目錄終入贈贈字共五首

江湖長翁文集卷之五

五言古詩

張秀才復畱為作

郵城望繁川渺莽天一陬親知非不多噬肯一來游張

侯我石友前輩放一頭逃俗火避濕赴義鷹辭鞫窮谷

喜足音况接大雅流前之翩然來今復欣然畱茲非為

我歟厚意胡宜疇日邊有知己崇論親冕旒故人書沓

來擁麾淮上州置彼肯就此與世風馬牛文字有至味

過從無珍羞山院作僧過竹靜荷氣浮載下東野拜幸

江漢長翁文集卷之五
貸別離憂從渠夸奪子見謂君何求

來對次臧秀才讀蘇集

秀才甚文予未識也

風調半文字字皆至來

自我得蘇集玩閱幾忘年汲甘乏脩綆適遠疲短牽取
言九不隨望若終茫然子齒始半我用志超我先晶熒
出秀句妙斷遺雕鐫此翁淡堂奧駢闖誰敢專潢污置
不云學海須百川怪子介且方落筆盤走圓子真蘇門
徒豈獨長短篇平生脩月手不補衣履穿秦黃晁張陳
衆星耿霜天世儒昂其首指似如登僊子起斯人後遊
刃牛無全邢娥望可知衆女空丹鉛何時班荆地解我

心懸懸卽今清夜夢不止懷昔賢

送臧子與子儀之楚州告免解二首

二臧如靖女不受朱粉加尹姬望邢娥宜著帝者家向
來揚蛾眉衆喙怒以呀指玉謝堅潔摩肌起疵瑕去汝
忽若蛻人與室俱遐玉臺鏡如月滿意事鉛華九重訪
娟麗萬目看媵媵當使听听者昂首七香車

昭代論豪傑崔侯允武文小却折遐衝厚用當致君敷
政極中和殖學根典墳士有珉玉岐公自涇渭分何人
非教育二臧實不羣兩兩計偕去名猶壅上聞試袖于

為歌往拜劉將軍心醉公瑾前何待麴蘖醺

如林寄陳用晦四首時陳對移蕪湖天王如公自出

昭代儒者尊青雲坦脩塗即今子陳子尚歌于為于滿

歲不自保爾俗苦好誣向來撫字工督課有不如

百謫孟公達三絀柳下直令君向于湖頗帶遷逐色府

公酷好賢要試心鐵石此學祇現前嗟傷定何益

詩翁磊塊胸大邑佳麗地瓊也領蝟蟻懿也目秋水清

歌醕碧筍粗足令公喜醉呼翩欲仙誰要卿料理

我初識蘇仙談詩達旦夕君今與提衡當復詫此客一

代紫微公文采耀楚澤歸來要同登斷句尉英魄歸來張安

國堂名次俞簿韻棋於俞家愛小荷併長句分惠作此

昔賢識紫芝不恨生叔季同寮得若人襟宇極冲粹相

過鄙吝忘滿抱昔賢意傍睨衲襪兒真堪裂人皆棋枰

消暇日竹軒蔭疎翠不作沮洳臨纖鈎笑侯喜愛此小

泓渟歷亂青鈿委大篇副公荷乞一仍得二政須傳生

徒未暇藏篋筭辭源淡莫窮歸牛定浮鼻紫芝不詩鳴

較君同而異游藝復友賢老懷隨所寄莫嗤學奕秋更

較君同而異游藝復友賢老懷隨所寄莫嗤學奕秋更

想鴻鵠至吳...
未檢早望...
長塗並江沙...
騰勢相排...
復煙橫助爾...
其趾貝珠麗...
早不能澤枯...
未救民腹枵...
問龍當厚顏...
淡池臥逍遙

升梁三山磯

不戰發戰...
同登...
揚英...
禮來

江頭數羣山...
山戟拔立...
射江北陰...
洪流突怒...
不平舟楫...
復往來立者...
膽爲驚

謝宋宰惠玉友麴方

夫子如周郎...
生憂患餘...
到我室莫...
厚資春意...
生戶牖非...
公介其間...
未易交此...
友此友仙者

流勿藥氣自和此方不用藥不著我無何鄉願能蠲積痾月團

信佳人業工敗人意使我百慮攻愁城不餘地雖無叔

夜書泛交方自訟平生一鮑子世莫知管仲悠然甘不

懷交道自久長因渠念公他端人更難忘

病起閑步

青女橫侵鬢渠堪連日飲黃媪不克家倏伏半月枕陰

陽有酣戰藥劑闕上品衛生忘周防內愧每流瀋今朝

步崇崗晴日貧餘凜江波毅動鏡嶺雪印塗廩竹間小

梅花幽香到襟袵去春無幾日鳥哢如見諗酒瓢隨短

轅舊盟聊復寢詩句疇物華是口不容噤

示師文時在當塗

樸楸已非材骯髒遽成翁生無適時具何向不塗窮賴

結文字緣人士飽過從三年尉山邑趣操有同風博古

得二臧秀發仍兩鍾蔣侯厚本學落筆語更工我卜當

塗居薪米耐闕供從渠得琢磨遺汝不已豐士生在知

道寡陋難言功會理貴博觀受物由虛中潢汙不揚漪

大江日傾東遲汝草靈光一觴壽乃公合文雲同王

辛丑春雪甚意有感

歲序各司存雪神庀厥終度臘不成白接春吹早風井
脉青煙起地毛黃埃蒙東君借一怒六合玄雲同玉龍
專獨夜紵帶縞長空破曉歛三尺山川積蘇中宿麥賴
一漑園林潛動容繫此玄冥事春皇豈挑功瘵官可辭
責代庖容非恭風霜與暘雨不時皆疹零卽今雪擅春
何異雷鳴冬方斲焦槁息未暇尤化工緬懷虞周下賢
哲多不逢權柄在掌握秦越眎困窮變故方沸渭頃刻
分吉凶君子誘不謀或非世用充當知寸有長琤琤卽
疇庸鮒也勝土苴顧能魯使東鳶肩旣歐刀五孺各疏

封融約漫百數不當劉係宗稊稗實枵腹常以歲不豐
奇疾待烏喙參朮渠能攻高位有不稱坐令虵爲龍快
意雖目前道揆終龐茸惟昔道與世聖賢啓泰通元凱
森帝庭十亂拱法宮盡屏欺負徒鯨兕變夷戎此人如
此雪胡寧久長雄小乖見睨期適貽吾民痾仰天欲三
歎義馭暎朝紅

荅毛叔子

章甫不價越澣洗或彊吳事以適時重投暗恐類愚毛
子抱高學眇睨大小儒過閱幾公卿攜文及吾廬我窮

劣識字三讀起長吁妙處未遽了君意無乃孤勸子俛
從俗青紫摘領須他時不朽託一一世楷模

有歎

應事如應敵收功端有素詩乃隨景遷預計幾膠柱鼓
吹月明秋當時亦佳句見卯求時夜竟為陰雲妬想像
斲為工故智那用據向來東遊意夢境騷人賦出郭帶
月行過山衝雪去風力馬欲却寒氣鳥不度舊擬忽新
偶自笑邯鄲步與世甘數奇失意資一悟覆却從萬方
翛然隨所遇吟情形前影塵事風外絮則常以意不

萬次前韻

郊原二月天節物屬丹素山風歛雪花野屋欲冰柱破
除酒邊興截斷口前句誰將萬玉妃一一事嬌妬東皇
不無情退縮自失據史君文章家客子舊能賦茲游豈
偶然擬作袖手去江梅孤舊約桃花悵前度漂忽幾何
時林影映沙步層雲放曠日瑩澈等僧悟一笑百慮餘
如世有晚遇預知詩及門新語謝鹽絮
黃賦王漕小燕玻璃分韻得路字
去年客京華酷暑不可度時為冷泉登稅駕脫巾屨風

外雜佩鳴松根一竇注可聞不可挹已足盪袪暑竭來
黃埃中夢遶湖西路寧知虎頭側碧溜依紺宇琤淙響
琴筑噴嘖起霏霧餘潤碧苔滋照影紅葵嫿涼氣濯毛
骨寒聲到樽俎况陪持斧翁觴詠澣塵慮坐著錦囊生
歌煩桃葉女向來湖西亭聽泉渠須數逼人灑清寒如
翁玉雪句更喚泉間龍爲霖下山去

是日小雨愆期

送李監嶽二首

蓋從周信道學詩者

李侯西州英早著武士冠竭來淮上郡鷄羣見翠鸞清
詩萬卷餘脫手走銅丸初聽耳目醒再讀毛骨寒解榻

一甌茗敢作麤官看今者連日語袞袞爲發難中年可
堪別別君倍悲酸書來有新句政用驅愁端
寥寥黃陳後詩律日就卑京江一燈續天乃不慙遺念
君從之遊十年填應筮盡渠磋磨巧况君粹美資奪標
快一得不計弟子師向來誦新作格力欲並馳扃戶玩
明月寒餓用一岐及今辦一飽無取空名垂

次韻王漕燕玻璃

輕颺度翠密碧溜下峻嶒飲處凌埃壘談間忘鬱蒸何
物辟塵犀墮我玉井冰落手錦繡段酬贈慙未能

淵明英傑氣不減運甓翁漫仕徑拂衣高枕北窻風平
生經世意蕭然詩卷中卯金納大麓正自竊鈇雄妖雛
自取死遽敢貪天功斯文未斲喪吾道聊污隆把菊得
沉醉直氣歛長虹區區記隱德史筆殊未公
邸報議麟經卜書目義易曲學暫雲曠日月豈終蝕陶
翁詩百篇優造雅頌域九原不容作妙意渠能測今君
語析塵指示了皂白定知泚筆人斜川舊仙伯毫釐無
餘蘊領覽飽新得言下悟永師吟邊識圓澤

次章房陵韻四首

老驥挺高骨彌耳塵中馳鄰女嫁不售泣向流黃機與
子落窮山坐無適時姿濠梁莞一笑遊鱗噉風漪
詩法究源委今古有正傳寥寥風騷後誰定執此權杜
韓到黃陳刃藏牛無全愧我蠹負山良夜卓兩肩
章子五車讀詩外未一施清篇忽見屬了不計吾誰投
暗率如此世路空暮遲獨無牙曠手並坐絃君詩
詩社有血指鈇刀齒魚腸橫江限一鎖未易枝龍驤山
澤護我瑕珠璧耀我箱勝譚當不遺茗果秋夜長

羣賢再次韻
 咄咄嗟數奇
 覩覩笑坐馳
 超然達觀士
 顯晦用一機
 夫君抱器業
 軒豁見奇姿
 付我舟一葉
 緡絲漾清漪
 覆觴課五升
 秘訣不待傳
 百里三萬家
 優主師帥權
 坐肉荒歲骨
 豈但醫十全
 高郎徑刺史
 况論檐弛肩
 世人競捧心
 妍醜西東施
 揮斤得妙質
 捨子吾從誰
 所惜憂患餘
 歸計不暇遲
 繼今省幽獨
 鴈足特新詩
 平日四方念
 見謂石作腸
 卽今還家夢
 絆驥首屢驤
 不作垂橐歎
 藏書頗青箱
 此燈可無傳
 兒孫共翁長

李一次韻梁教章宰喜雪

袖手飛雪前
 徒有風雅渴
 久親無言子
 此興今莫遏
 兩君壯藻思
 詩柄專殺活
 可須龍伯睡
 驪珠乃平奪
 長翁久荒廢
 坐受兒女聒
 愁城正合圍
 醉鄉况禁謁
 詩來起我敬
 一嫡眇衆孽
 此雪更此詩
 清晤乃細閱
 晶熒盤走圓
 便旋玉爲屑
 汎掃無惡氛
 肯綮有妙割
 解頰得康鼎
 和羹本商說
 技癢吐復吞
 正恐誚燕說
 山城僧舍似
 休務况佳節
 可疎觸寒過
 一笑卷蕉葉
 作詩供捧腹
 巴唱酬白雪
 六韻

江清長翁文集卷之五
三百廿一
晒白再次韻

窮臘缺膏潤何異客病渴龍伯供雪事落勢不受過續
紛一再餘旋報焦卷活去年痛無年回首氣尚奪流云
何紛紛哀訴良聒聒爲民倒陳紅擬效叫閭謁繡衣肉
滑手大帚掃妖孽貸金今可償復許歲再閱秦越作肥
瘠德人終不屑協氣非挽回何以救方割想聞三白訊
把酒頰爲說嗣歲屈指計老農聚頭說團欒飽餅托市
鬻追時節忍思狼狽初草木茹根葉苦樂倚伏間此耻
幸一雪

吳中再次韻

平時豪飲與人議老羗渴駿蹄就康莊中有谿澗過俛
仰三十年僅作扶病活樂事生無幾造物忍見奪謝安
晚多感正賴簫鼓聒胡姬賣酒地緬想不容謁卽今少
年夢尚苦法士孽兩君詩酒豪將壇最閎闊左顧得投
轄勝譚看吐屑雪天僕爲更盤飯鮮粗割共憐后山窮
塊處但禪說一飽共此客矜向鄰里說問疾不厭頻他
費尚可節官塗計離合江海浮一葉別期後歸燕光陰
等消雪

江清長翁文集 卷之五
善尚遣興次前韻

斫水斲斷流捻鹽寧療渴區區守荒學籠鳥眩樊過向
來麋鹿姿祗可樵牧活始其事誦數魄似窮鬼奪文字
取憎疾見謂蝸蟾聒回首輩行人班劍或朝謁方嗟沈
帶減正坐河魚孽分無青雲上但有枯策閱峩峩指頂
地羣口免騷屑醪敷兒爲供蜜脾手親割弊帚非世用
槁梧取已說非君莫逆者此懷誰與說反求每自誑百
行收一節西來傾藁冊又滿三百葉暮年了無得付子
鏡中雪

雪再次韻

卑官望雪心有賦繼夢渴旱氣方兆朕造物工式過山
城窮陋地民以牟麥活卽今稼事實趙壁還秦奪忽訝
天雲近旋遭烏鳥聒豐年得奇識賀詩遙佳謁了知叶
氣熏人定銷天孽老眼眩鹽絮已不啻三閱瓣香爲神
報無乃笑瑣屑絕望羔酒醉作意鷺股割賞雪須佳客
生恐無此說來年當更好可但老農說來春還家吟要
使君擊節今朝泚筆否浩蕩對雲葉儻肯躡凌兢忝椀
更一雪

更一雪夜與師是棋次前韻

投醪士或醉說梅人不渴窮途餘樂事不受憂患過詩
可供呻吟棋亦識死活朝來喜雪句神藥胎可奪一枰
與兒晤斷無市聲聒既免沈舟諼不作賭墅謁指冷良
易忍眼花苦爲孽疏置仍作罪隨意略細閱瓜葛勝負
間時亦近屑屑策幾奇兵鏖地比弱王割吾非江左管
舐犢愈愛說升沈作豐悴今古無成說家居鼓吹具藉
以保晚節掀髯得一笑爲汝倒蕉葉袖手聽殘更紅麟
噎晴雪再六贈

再次韻作招隱篇

我家五畝園泉細地不渴載酒啞肯遊開門誰汝過典
衣買花栽種十八九活繁華出荒穢天巧容人奪三徑
紆曉步兩部厭晴恬長日岸幘嘯看人曳裾謁伸屈較
倚伏烜赫藏戾孽蠻觸勝負間吾老飽所閱孰知花藥
疇細炷沈檀屑此樂彼莫顧渠愛我已割微吟會心處
山鳥亦欣說焉得喙三尺佳處爲君說龜蘭媚幽芳野
竹挺高節當知陶一觴可敵簫八葉駢來作螟羸獨立

耿玉雪六贈

西喜雪北合氣交因

再次韻

雪應時可喜晴不遲尤可喜雪止恰除夜因作

人間十日雪已潤夸父渴宿雲忽披靡義馭與抑遏春
從九地回旋放牙甲活主張披拂是大塊司予奪椒栢
追時序鼓吹聽曉聒詩壇有同盟辦作銜袖謁得雪晴
更佳過是或為孽羣山半披剝衆巧獻一閱懸知兵吏
集不待鋪木屑令尹活人手小試牛刀割廣文甘僻左
不肯事容說與俗分樂事盡以韻語說獨慙長鬚送不
量好時節六一謂聖俞口山婦云好時好節送詩覺人家不知吾輩所樂在此要須百篇
富超此梅未葉正使領兇觥快作湯沃雪

再次韻

廣文欲出逐使車作詩挽留少俟燈夕後予作漁家傲舞隊欲燈夕小試云

傳聞使者心急士幾忍渴廣文馬已秣勢似不宜遏長
翁仕窮山離索幾苟活藉君忘幽獨長恐有力奪勸其
少徐之無謂險膚貼吾儕冷如水雖坐慵造謁渠儂夏
畦譏火馳自生孽山城登火夜而况已再閱佳人參辟
辰俗子眼中屑一笑待休沐官事罷剗剗期喪近絲竹
憂患偷偷說古人昔中年吾請用此說為君枝病軀偕
我酬令節捐金裝玉梅艤楫命桃葉舊曲迄末試把盃
看翻雪

言繼贈章宰

章二月二十八日偕客燕湯池雨不可往勸其飲于家送九室并白酒佐樽因贈以

亦晒今酒飲

古詩十七日偕予勸農房山是日亦大風雨殊阻登眺興事不如人意往往如此詩

曼惠俞俞道此也

之作道中平言謂其此詩為深林幽韻

湯池渚巉巖房祠踞穹隆向來偕君西寒雨斜驚風虛
簷吞山川宛若囚樊籠往來三十里兀兀婦車中勁方
學縮鼈眼不到飛鴻迄今簿領前老面潮羞紅昨夕縣
麻勢子亦胡能東如子亨衢人不應分我窮山靈兩介
士不屑陵原通我輩吏塵泥振觸肯見容高興未渠盡
佳節寧易逢調琴家治具竹堂小窻攏酬酢十客優庖

隸良易供登山與聽雨取醉政自同玉友陪從事共達
吾溪東逮今疆隸時數近玻璃鍾丹杏正媚嫵柳枝頗
昌丰古今共陳迹春事尚忽忽此歡不可失此言儻見
從對花但忍渴請看衰病翁

言由再次韻

予與章宰前後為于野之行皆以雨止因作古風道之初一日寒食遽晴來日排日

精十更對樂

溪邊領客為上巳燕是日宰和章見賦復次韻道喜歡意

谷巖蟄石燕帝闕鎖豐隆入懷疑有無愜此靡微風晴
空寄望眼已快鶴出籠向來陰雨餘缺然賢聖中庭竹
忽乾鵲雲衢亦輕鴻新詩照老眼姱媿欺羣紅飛僊款

幽寂珩璜韻下東稠疊挹勝槩孰謂吾天窮花神憐客
 心密密靈犀通冗官况暇豫令節聊從容少徐泛觴醉
 或有解佩逢傾城試新粧戶戶虛簾櫳未用椽筆飛坐
 詫十吏供樂事易陳迹此歎今古同當時序蘭亭一一
 言由衷嘉會青帝惜芳情吾輩鍾繁香與麗人相映媚
 以丰瀝酒勸義馭西去忍匆匆遲暮冀如願百違今一
 從瀾翻笑譚口幾成咭嚅翁公此言言言

呈交代

雨中至蘭若交代置酒
雨尋止來早安行而北

杏玉敲敲淋淋賦

雨行不轉首豈即真良圖二年望鄉國得歸不暇徐徒
 隸悉此意頗作竭蹶趨衝泥傍險地亦復歌載塗史君
 卓旌旆小燕留僧居一盃酌龍公庶或輔相予捧觴未
 一再霽色明桑榆安寢俟清曉辨裝無滯濡有禱必其
 應顯幽無乃拘夸詡諱天幸此理良自誣

至喜鋪

小

外朝走馬息險絕欲無路駟駿感萬蹄勢若敵場赴崩
 騰臨空曠踠足此小駐蕭然一驛傍為此數家聚川城
 南山下邑屋隨指顧行人不勝喜息駕始此處蹉然愀
 然意南北分來去我解房州印初試歷險步胡為亦自

得不作罷爾慮鄉心建瓴水歸夢受風絮殘年歸來引
 他日遂初賦是役固已勞端復酬夙素臨風搔白首
 笑飭徒御與我此小掛蕭然一髮許為此漢家梁川楚
 快膺報恩方丈小憇二首臨別風萬瀟瀟苦端學扶崩
 還家自欣然小耐孥輩累老禪遽辟席倦客容即次仍
 將寒碧供為泮羈寓意斷續饑龍吟煜燿金鎖碎
 石鼎無幾然團蒲有餘藉山嵐變寒涼更挾清露下月
 榦澹疎樺風枝語良夜為君賦招隱自剔篝燈爇

十詩謝廖計使

以後山詩何以報嘉惠江湖永相忘為韻

淵清室史

二年仕窮山書外睡作魔吹律黍為苗賴公有孰何懸
 知登門初大宅浮陽和泛愛公自爾小子何足多
 平生書成癡初不冀料理頽齡迫肺病課此未云已屠
 龍詫流俗祿邀欲何以閉目耐昏花三歎仍啓齒
 繡衣蓋代公學力闖天造千篇發幽秘萬物困陵鰲攬
 收盡隨和吾富無乃暴小試推敲手聊效桃李報
 偃佺地上仙笙鶴不我遐楚騷欲命僕古詩無名家晉
 當澤帝範小却侈國華本末計中外倚須拜亨嘉
 我生守荒學意造無根蒂時時寫所蘊致遠終恐泥小

江漢長翁文集卷之五
勞斲鼻巧霜風掃氛翳一言可終身萬金寧良惠
深井無淺汲洪鍾須妙撞揆公取士心海若吞湖江泓
涵老昌黎客或隴頭龍可待函丈扣此心久已降
古今國士遇揆我不盡無頑鍾未容器巧匠徒爲模卽
今鶚書上逮此鶴髮餘但恐良夜夢翩翩只江湖
陸子木已拱遺文空雋永鄭子爲米仕縣解縻簿領聽
公譚舊社文陳鶩鶴整離索我若斯胡術謝榛梗
欲畱苦滯淫欲去復彷徨臥漳仍登龍兩心正交相粲
粲金玉人納納錦繡腸安得雲隨龍意行卽公傍

貧女信難昏俗子每易忘文學公世師一見遽倒囊願
公出調燮容我濯滄浪台躔五雲處浩歌長相望

涑口守風

辨舟畱襄陽辟風泊涑口得行秋甲辰初到夏癸酉跋
鼈已自慣束髮至衰朽坐是冥得喪况復多病後絕憐
操舟兒不措脫穎手顧瞻峴山亭覲面可拳取微風吹
薄暮霽景掛高柳涼月欲略箕陰氛尚侵斗明朝起拖
計未敢決可否身已不藉在心自無何有一事萌一意
但見掣君肘擁書坐蓬窻醉我不以酒

平日屠門嚼因病不敢縱園翁富薤畦尚可羞此供長
白連嫩葉雅稱鹽醢共暖鬲號多益斷不仍百中醫經
備收錄詩老屢吟諷韭齋葵作菹未覺取世重鷄壘謝
稱帝杞菊第賓從佐我炊玉飽食指免輕動歸計三徑
成少辦百本種指日筋骨強報汝當抱瓮從夏癸酉

渡楊子

王其姓者助扶掖安
然已濟喜而有作

濤江吞天去委此舟一葉前之恃勇往微命幾顛踣弱
纜維復解宿浪俄妥帖北風不滿帆晴空欲凌躡淮人

鄉情重相爲細扶楫浮玉瞥眼過笑譚得利涉窮塗有
快意十北收一捷龍公不常喜未用輕吾怯吳興來
吳興赤口灘漢江多惡灘赤口乃其最前年將家上正值江流殺奔
衝震溝畝狼石森戟鏃最屢取進寸一跌尋丈退聞此
三日遠岸卷澎湃向者險巖地了不經眼界三老笑相
語無復憂滯礙路可屈指計歸將平心待窮塗偶快意
此惠莫謀大龍公本何心賤子多感慨

北惠鴈汝東守風四首以觀于冬歲時

枉渚八日留池口百里近東風翻白波寸步不容進如
許天吳怒頗訝地軸震崩騰雪山飛膽掉老眼暈豈惟
佐豪吟更覺蘇宿疾還家可指日去意復小靳遺體泰
山重曹敢諉忠信流坎隨所遇遲速吾不問又疑問此
蓬窻隔世塵但有書滿床度日無與虞日課云指彊坐
免鶩鴈聒自詫肝肺香奔驥踠足意翛然吾自忘賢否
岐非是狗已乃所望温故饜新得但覺此味長晚來砲
車雲翻空更漂揚吾書未渠盡更惜燈燭光世謂坐床

驚麋矚洪浸何人矢麗龜遂令老病叟珍毳及晚炊野
鹿敢伯仲江鱒讓甘肥淮人篤鄉義賤乞等韭葵向來
無人境沙漫水無涯市聲不到耳茭葦相因依今無暴
客虞解衣候朝曦厚味真過矣安食如含飴日食平哉
東趣長風沙移拖取空隙波頭蟄飛雪幸矣不數刻連
延百家聚俯瞰白沙磧賣餅售鰕菜傍舩忽絡繹矧聞
淮南音眼中便鄉國田翁顏甚温村酒醞堪喫突兀戎
官解戶柱相映赤頗喜霜夜眠更鼓聽歷歷泊我廨前
無盜賊憂

題解禹玉文卷後

平生解公子器質美無度長加進學鞭猶後趣時步克
 腸盈澤書脫手彈丸句儕輩無爭衡儒先有延譽豈應
 如老夫嘖嘖聲不遇表表蠹齋翁容易九原去石交不
 在眼賴子尉遲暮新文爛錦繡夫我何足赴稟稟傳遠
 計堂堂濟世具葆愛今其時自視要嬰孺白壁不受塵
 素絲易成汗毋為樗木散寧作鐵硯鑄良晨有逢年逸
 足看取路吾言信惡石敢謂愛莫助葦林因於今無暴

贈廣教主人

雷子飯為疹脉決疑約翌日再同來
 拉客客不能往而止作詩誌之

七年走薄官重放湖上步偕客憇驚峯訪僧得龍樹瘦

骨書作祟餘年藥為助君技信精微我疾判疑誤多謝
 辦再往一飽許復具意偶俗物敗行非山靈沮定貽高
 人笑竟墮塵事汗似聞今參寥近在西林住擬掇茗果
 供飽玩玉雪句勝踐後五日盟兼諭漚鷺

次前韻

我前次前韻
 我前次前韻
 我前次前韻

風雨破十九可得閑餘步回舫連千百排撥隄側樹湖
 山墮空濛於客信非助前朝冒雨還正為初日誤今者
 乘興往不暇家治具賞心有新愜行計無舊沮香塵紛
 羅綺隱服耐此污鶯花殊未厭烏兔渠小住愛日擬乘

燭把酒先得句上馬一回首前灘下白鷺

乘興清明西湖再次韻

蘇公舊隄東增築更千步右為縈回溪夾以葱青樹晴

湖映碧山詩客獨多助醉鄉赴新約書癡悔前誤况此

好清明酒果隨意具向來計追歡幾為陰雨沮今者成

清遊仍免俗子汚斜陽不無情似戀花柳住春光念報

答襍戔須好句此筆付此人遊客半鴛鴦暇日朝士多在湖上

江湖長翁文集卷之五終

江湖長翁文集卷之六

五言古詩四言附

旅館三適予以病愈不食麵此所嗜也以米粟代之且宜燒猪客有惠清白堂酒者同時

饗作三詩識之

厥初木禾種移殖雲水鄉粉之且縷之一縷百尺疆勻

細蠶吐緒潔潤鷺截肪吳儂方法殊楚產可倚墻嗟此

玉食品納我蔬蕨腸七筋動輒空滑膩仍甘芳豈惟僕

餐餌政復奴枕椰卽今弗泊感頗思奉君王

雋永項上臠紅嫩劣帶管彼美大欄君坐受羣毛朝鼎

涪走真味正籍松炬燒芼我銀絲窩葱豉巧和調堇塗
非所宜淑郁如蘭椒腹腴但不隸羶根合藤條併填長
翁腹未覺喉牙搖但訝大嚼餘無補詩腸枵
佳齊肯見分春意偕客至誰將清白名言代碧香謚起
淪饒磁甌玩吮色香味醜醜馥牙頰沆瀣沃肺胃桑落
古宜城不足偕品第我病久不飲此日欲小醉快哉羈
寓中乃遣拜嘉惠一盃先晨飯歛作凌雲意米托薦燒
豬佳此三者備飽足仍酣醺眇睨人間世

官務

磨陲爲官多曉了未更歷今世從仕者萬口用一律文
按日從事鴈鷺竊投隙自謀脫悔吝初肯計易劇追逮
有踵接符牒動山積豈念南畝民晷刻校目力停犁聽
上命質衣供旅食誰定老我師黠民幾鬼或締彼刀筆
吏表裏肆狙慝柰何食肉人並說與推激此論儻不破
此弊終未息揆予閱世熟敢此論在職

患時犇牛堰

挽舟下犇牛挽丁已疲極長術此埭東術心齒砂礫千
指取寸進鬣鱗山可拆舟子提肺肝舟材寧鐵石卽今

揚塵處劣計三百尺時賢或與懷僅費十夫力往來日
幾舟孰者違此厄爲人計安便作吏戒徒食斯人仍斯
患胡必須目擊猶爲隸兵地吾言竟何益

州樊呂城堰對于國世無難此篇五鄉
堰西綠泱泱堰東已膠盃呂城校犇牛客舟更遲回嗟
我爲貧仕此路幾往來厲翁市冠師與我熟追陪渠貧
安無求我困坐不才三別二十年鬚髮各雅頽擬賡北
山杞倏咲南柯槐惟翁未厭客望影笑口開生得數會
面升沈何有哉相約飽飯過世事付飛埃口用一軒文

命書

命書唐濫觴委源傳呂後有倡莫爲遏波蕩今不救字
育叵數計八字詎所囿甲子動垓億舉華百萬漏荒唐
無稽据誦言指休咎柰何聰達人頗復安此謬懷刺曳
長裾偃蹇文士右夸詡走干謁薦墨不待叩士有待濡
沫百請不一售我昔遊江淮知識間新舊文士不到眼
此輩日交筵辭章輕盃水羨彼行橐富鯁鯁問利祿吾
儒所深陋自笑與世違迂論取排詬

正學

政術自學術君子惡其欺道學不容僞世以僞用之向
來濂溪翁粹然時所師光風與霽月取重前輩詞兩程
從之遊流變已受疑應世頗拘謏自立如矜持何人傳
其粗矯訐取世資口中誠敬語倚袂挹惠夷其行則市
井跖屨差所爲危坐悄長默覆此庸蚩蚩經正盛時事
怪女尚抵巇秉畀幸一旦嘉穀去稗穉正士鴛鴻集古
學星日垂江湖隱淪客有見真管窺爾輩受排根似亦
無牙遺得無奇英士失脚遂磷緇用過賢用功取璧忘
小疵願引技拭手免與失時悲願分斗升祿少救併日

飢闕以周孔塗正以孟韓規鬼瑣審辟就講張慙昨非
六通而四達恢若隆古時治道貴去甚世變須防微吾
言或可錄敢用告採詩若爾林其古也重此舉世異

財昏

師昏古所辭財昏今不耻傳祀合二姓古者貴由禮四
德五可外貨賄亦末爾民風日就頹捨此爭校彼媒氏
未到眼娉資問有幾傾篋指金錢交券舉租米東家女
未筭儀矩無可紀已聞歸有日資送耀鄰里西家女三
十閉戶事麻桌四壁漏風霜行媒無留趾坐貧失行期

趣富膏貪鄙流弊例不免其源實此起多約或少酬暫
譽甘長毀坐令親舊歡詭譎變狐鬼何況性習間貧富
岐臧否土俗未易挽人情大不熒悠悠何足道吾以諗
君子可也貴誠亦未爾哭風日掠厥節此舉好歎歎
肅骨聽政賴以督今不取與派合二按古者貴由顯四
爲政貴中和偏徇古無取無心斯善應奸譽乃其蠹柰
何聞見間往往用心誤扶弱抑其彊古或垂此譽世異
俗且殊處今猶徇故曲直本不昧彊弱豈所據君子不
此恤情僞溷丹素富室被剥腹自有貧窶慮士夫受加

陵悔不齒編戶羸弊取必勝玉色吞氣去不知世富室
如母子所怙不知意定向未語機已露傳繼用一律抱
冤莫赴愬用是致和氣南首問燕路

錢弊

爲家重墻垣爲民須貨殖楊廬國百戶東南賴控扼淮
民魚米餘百貨仰殊域用銅防外泄用鐵乃奇畫一利
伏一弊救弊要得策持貨貿官券捨此莫衣食錢貨天
下用鐵乃限南北坐令兩淮民塊處斷貿易計鐵取券
直十纔收六七朝賢愛淮民此困盍矜恤銅鐵均國寶

通變豈無術近甸視遠地未可岐嶠域况今苦倒垂倚
待振焚溺緣江入郡爾雜用顧何失官券朝北來淮俗
暮安宅卽今私鑄斷胡尚膠今昔吾貧復淮人計勢不
容默米糴百費叫糶楚用雖可快斯用雖可寄畫一味
然次韻林郎中相送北歸
蘇園百口東南疎林
銖兩作低昂舉世皆此心美君松柏操不受霜雪侵向
來車笠誓歲寒迄能尋航憐吾何取振拔意彌深天才
有賢否宦路岐昇沈昂貴聽新渥疊來當好音我草賀
緘處碧溪映青林祝公小婆娑未宜輕分陰
賦世富室

次韻楊宰

贊式

凡

淮俗日就薄識者頗借憂天變不徒然旱暵將誰尤日
來聞見同此屋聲悲愀令君不鄙夷疋馬走道周似聞
隣隴間蟄蟄霰雨稠課巧撲燎餘隼粟秉庾收一斃廼
百孳阜堅肥螟蠹服勞豈容已善後良未謀卽君論才
諤爲邦似求由佩蘭扈玄離所向多暗投世賢劉係宗
芥視東家丘方將解倒垂未遑賦歸休橫前觴深淵君
其萬斛舟願天開老眼一雨洗歎愁旄倪飮菽粟羈罷
安田疇探丸等和扁沈疴灑然瘳我亦民之一擔石略

不畱遭罹本自致未敢忘反求詩來念賢勞效顰聊殺
羞孰視援溺手不計輸幾籌

送羊侯因簡崔帥一首

遊宦何許佳解印還故鄉舊國仍舊都別去未始忘
且吾眼中怡然得徜徉釣處它日梁樹是兒時桑扶攜
擁道周老倪皆壺漿官簿有高下此樂均未央羊侯萬
金將文武擅兩長稜威肅貔虎談兵厲冰霜小作漳濱
臥斗飯方健強胡爲倚秋風歸思歌慨慷似聞山陽郊
迂者立堵墻湖蟹九月肥社酒千室香海舶來麋麕綱

戶送鱗魴舉白作鯨吸羅幙回春陽樂事有如此夙志

今始償我袖如椽筆落紙煙雲翔自今小畫錦爲君記

新堂

題陳守率仁和無倦堂二首

仲尼治道師今古誰造闢公與由也果有得非二本爲
政貴無倦聖語要自反吾宗率仁和條教仰僊建吟對
千挺竹日課五升飯膠擾付水解隱幽莫形遜器資銅
百鍊心地蘭九畹人絕懸魚續自詭割鷄偃秉心寧作
輟提耳悟頑諼豈伊不可耐据以爲益損譬如歲豐凶

張農守穠裝功名自民庸君子計歲晚
 陳侯昔為邑鼓舞輦轂民爾來佐淮郡喜詫有脚春例
 滿猷志望正緊不巳純帖焉受馴擾初豈煩令申撫臨
 不云倦依然舊持循終始秉厚德邇避沐深仁報政已
 捐日設施方日新羣蠹繼革熄千棟成逡巡向來簡齋
 僊九德罄枕徇長源無涸流盍嘗究所因一印妙心傳
 千載挹聖真此學不勝用企公嗣前塵

次韻楊宰

留別業偶雪欲作詩未暇因詩見及次韻

今亦盡融為我時

有薪尚濕惡有穀未春鰥病客正牢落急雪忽蜚墮楊
 腹亟問炊曲身可欠火簷隙納璀璨座隅紛碎瑣續漂
 纔一瞬彌滿已四野慨念菜茹農負愧吾顏赭人同忍
 朝飢神亦輟秋社吾村劣收穫猶幸了眼下磬磬聞見
 間久已絕貸假何人發陳紅倚待由也果

次韻楊宰對雪有感

心前自發歎不謂

生世波上舟高下隨掀簸樓閣或藩溷風花聽飛墮榮
 利計圭黍光陰付膏火胡不養弘大而顧蹈嵬瑣君看
 前宵雪積玉曉覆野朝陽麗山川湛碧仍眩赭簿書辦
 官事酒肴趨村社長翁取意適吾策未云下優服作貴

江漢長翁文集卷之六
賤觀傍了真假平生招隱詩尋盟逮今果

前宵贈張德恭張作詩日進有句見推次韻謝之

少日試推敲未脫蜂鶴病世間十全手噬肯愛三請即
今悔少作草草生氣盛逢人忍脩縮拜手博是正往往
掉其臂百叩不一應鼻屨仰前脩萎憊不能勁從君父
子遊似頗識蹊徑史君唾隋珠枚叟每後乘郎君撞煙
樓楚珩復相映兩豪五字律萬象一清鏡臏馥副羣趨
餘風振不競郵城望迎鑾未敢憚奔命向來從渠後無
乃瑩吾聽回省多岐下滿冀一語訂此篇尤愛我見推

乃見警政使元白前向君亦脩敬

次韻張守阻水予訪史君于真州
公塗亦膠舟故云

清篇方鼎來強韻不可柰膽掉久未定如守上瀧拖渾
厚出綺麗平談含頓挫正始歎不嗣黃初君突過想當
舟陷泥勢若右旋磨河神要好句待君顏一破我行阻
重填倍費客炊火邗溝塵欲揚人步溝尾汊一雨濯旱
枯此惠誰所假生世天不人孰者可弔賀乘此興未

盡谷遊北山張守送酒次敬
字韻作詩謝之

有客可與遊闕酒得無病豈意四從事過我不待請洗

杓挹風度免慙林花盛公學此味如渾厚兼醇正公量
 虛谷如有來良善應肯分兵厨瀝少佐筆力勁罷營杖
 頭錢徐取松間徑登臨舊能賦七發踵枚乘此與老未
 衰西日尚餘映風怒雷再鼓雲破天一鏡山花下野鳥
 詩題一堪命府公文章伯聲稱聳羣聽明朝倒錦囊非
 是庶所訂豈伊綵鳳鳴而聆露鶴警定知謝東山凡百
 易子敬

再次韻

春月驟寒既晴小出

當臘可折絃羣植不告病春令宜畫一驟寒乃奇請淙

潺急雨後摧拉北風盛倚戶頸為縮引望立不正下窻
 斷過逢袖手謝酬應坐歎花信遲陟怯弓力勁今朝晴
 色好呼童掃幽徑客子踏青約久許陪驂乘逶迤望北
 山巷柳俄蔭映乾鵲語紅樹遊儵驗明鏡平時詩酒社
 賈勇與春競卽今鶯花前欺客頗方命擊轅歌于為寧
 入俚耳聽喧靜交戰間詩老儻能訂寓物不流物古語
 方自警追隨黃白郎不擬繆為敬

吳節推趙楊子曹器遠趙子野攜具用韻謝之

平日從俊遊寂寂坐多病犯床漫飛埃瑤笙罷重請

床犯

置樂器床謂宮調相犯脩樂器惟笙曰請昔遊喜復到風物他日盛坡恐名

燕支樓亦詫端正新交間舊友氣合宮羽應譚塵冰霜

厲筆陣鸞鶴勁吏隱分樂地與世不好徑拔貧辦一歡

挾貴輕百乘四豪載酒過講德珠壁映歌奏雲近人舞

罷鸞顧鏡醺醉忘主賓笑語似紛競朱樓識阿巧白酒

醉師命明朝耐殘醒江聲醒幽聽此樂謫仙後同異君

試訂四豪成風手可但隻字警我投詩社名拜手敢貌

敬

再次敬字韻

張守召飯臥疾不赴主簿送和章再作

陰風摧行車歛作三日病史君敬愛客重此折簡請碧

香駢柔嘉虛辱禮意盛老衰已不支節候况失正寒事

動奸時暖氣久未應積雨遷厥怒密雪佐其勁新詩挽

春色墮我桃李徑飄蕭尋芳興亟問果下乘把君珠兩

兩後照仍前映重燒見火浣百鍊乃寶鏡折筆敵可答

歌風楚不競讀檄且觀濤壽我無有命舊聞句通神瘡

鬼褫魄聽援君起廢手直用古賢訂笑送夢中豎子行

良機警亦笑齊東翁口舌邀客敬

再次韻張簿

生世詩作癖頗坐艱局病當前成風手每來難塞請後
 身習鑿齒名儷乃公盛新詩再出奇後出尤雅正高吟
 步芳園靈籟想隨應荆戶壓盧羅陳勢無前勁鉤隱度
 九軌眇睨秋蛇徑狐兔新窠伏顧前王公乘我學但宋
 朴多慙楚珩映才與年貌衰不擬拂晨鏡妙句駢魁傑
 曩見絕夸競居然大小巫渠容耻受命日窺曹劉墻日
 有韶護聽古今尚論間未遽優劣訂此意客未知太簡
 效規警平生孔文舉敢替此心敬

分韻得家字

以人家寒食月花影午時天為韻

容重此亦簡請

東園郡勝處不作里所遐池臺掇天巧草木專年華
 雨洗清曉十頃圍紅霞云何秉燭客未駕載酒車掾郎
 郡之望士價詩名家折簡挽名勝行庖富柔嘉清風應
 靈籟高譚振衝牙酬酢角鯨吸賡和紛天葩痛飲未渠
 醉浩興渺無涯孰知此老憊坐受強敵加空卷將一旅
 堅陣凌五花

時分韻同某六客

詩成字欵倒病眼正麻嗒

遊乾明分韻得山字

竹風清如水浣我塵埃頽老禪貧無錐小破蔬筍慳短
 轅下鳴夷共此半日閑佳筆訊鶯燕把盃屬江山老夫

病止飲苦語澁莫刪揆予郊島寒着君季孟間江柳未
遽折園花且同攀後夜短亭夢漫寄東風還

小飲頰江樓分韻得俯字

流光肯貸人春事遽如許眼不到蜚鴻身每念縛虎他
日載酒約坐受陰寒阻非君韻超俗疇肯顧羈旅今朝
鶯花前有興浩莫禦茲樓可圖画山立瞰江滸壯侔彭
城蘇氣吞潯陽庾乘凌脫埃盞盤筵上煙雨向來狀雄
觀尚欠魁傑語江山君周旋得句忍不吐詩成人未醉
鄰鷄喚亭午新音略韶護至樂非簫鼓却話庾與蘇今

古一仰頰

招朱法曹趙宰趙予野飲

以寒食數日得小住為佳耳為韻分得食得一字

秦郵望儀真相與不三驛仕學四十年此地幾旅食寓
公芹泮士十九盡親識茲遊最奇偉詩壇許投迹每當
觴詠間不蓋慙頰赤赤手桃虓虎空拳抗雄戟四眄號
猿手未敢箭鋒直排日有勝踐尚恐坐岑寂纔卷頰江
帳復蠟東園屐小奚費收攜巨橐珍的歷摩莎歸裝富
足容傲侯伯
自公置簿領來作一笑適表表三英粲各各萬夫特揆

予自僑寓人詫有此客風煙入揮毫江上皆動色尚友
古所貪解后歸來得今朝鄉思動招邀話睽隔非復向
軒豁但有新凄惻吟詩尚爾工把酒不能喫縣知短長
亭小蓬雲月白還應遽遽夢蜚墮清江側

儀真諸公餞別

分韻得永字

旅懷我岑寂詩語君雋永新篇蜚墮前坐閱仙府景曉
林媚紅酣春池涵淥靜叱吸風起籟模寫燈取影東園
固成言此境亦深靚應世足變遷爲謀難要領酒車且
新圖客棹非舊整明朝漚鷺前鴨綠渺千頃飛觴擊鉢

地獨夜起重重省還應蓬背雨閑滴寃夢冷

真州諸公語別

得孟字

屈指舊新雨何人顧蓬萊駢車各鳴夷良爲老夫來古
今漆投膠不獨數陳雷袞袞尉勞意一孟復一孟索句
不解工何以寫別懷敢惜吟髭折柰此雨意催此會良
姱媿此行重徘徊得無葉舟重滿載離愁回

送趙夷仲南歸

離索老不堪應接意多選愛者挽不留惡者推不去道
人心如水胡復生愛惡方厭塵眯眼倏驚瓊爲樹趙侯

南州英中抱經世具碧巖紫電耀翠竹青鸞翥聯翩拜
新作一一彈丸句傾蓋得此友霽月破愁霧交君良恨
晚別我用許遽溽暑挾旱氣河底車取路在客身爲本
食眠要將護燕子翅北風端許問尺素

立秋日

酷暑如酷吏頃刻不可對萬口噤不息東濕底多罪况
我七十翁形劣氣已憊懣若墮丹書孰者我牘背微風
忽鳴秋遽喜又無害天豈芻狗我生死置度外會看三
日雨怛悼推所愛甘澤洽嘉穀生意亦蕭艾

寄嚴文炳

以寄聲來問安足音到空谷
爲韻嚴寄書存問甚至云

故人千里遠論心未遐棄不謂江淮隔尺書鴈能寄春
風生展掩滿尉別後意陳義凜冰霜不獨相思字
隻影秋鴻驚獨夜秋葉零離索歛五霜搔首聽此聲豈
無金石友相避參辰星安得木作腸與世無復情
子雲草玄宅門徑積莓苔昨夢憑詩說新雨無客來袞
袞手可炙自詫甘寒灰蜀莊寂寞者念我首獨回

烏豎兩馮君風霆藹林間自昔從之遊詩力借餘潤夫
君凜一敵鴻筆上羣俊舊壇今尋盟得句毋我靳

兩馮君謂

真州父子

嚴子老於菟彪炳踞賢關可憐五車學僅博九品官客
程望至喜江濶山叢攢勗懷造物心念子渠能安

善忘常憎醫獨者自尊足嚴子骯髒面如我不諧俗世

情趣操間憎愛岐氓玉饒舌誇我賢祇取白眼辱文炳每稱

賞或者予不然之來書云

聯鑣行樂地俛仰成古今可但捧觴人貫珠無復音繼

綵棋酒伴電泡半銷沈何時兩衰翁話舊同清斟春

趙侯當賜環倔強耻媚竈張侯鳴琴手戍期幾時到何

郎偕賢書論價未足道多煩問何如好語君一報三君與文

炳同居吳子與之厚嘗有詩送之

石湖良樂眼收士冀北空嗟我孤所期經世老無庸一

莊賴芥庵報厚艾亦豐賓實得美謚表表無終窮來書及二

公故

嚴子從我時脩竦時雙鵠章綬裹瘦軀此相胡宜肉當

嗣溧陽尉苦語叩哀玉寧當蘇門翁清嘯荅幽谷

次韻楊宰檢早野宿予近亦類至莊上人情備嘗也

旱後訪親知悲風塵愁霧未辨飽翳桑况能嫁阿鶩令

君妙為政果藝今求路道逢枵腹民挾纊誦言句保社

知自愛斂攘可無慮飛騰要及時封殖須此樹來年步

畏疊繪象各村墅時宰君垂滿

劉郎何所有寒碧二百本方渠懋進脩藉爾伴蕭散妙

處鼻觀領翛然市聲遠朱墨五千卷日力自繾綣久聞

伯仲間珠璧各橫韞一笑挹此君方外得稽阮飢鳳吟

夜良斑犀散春晚慣嘗推枕聽肯作筆黍挽長翁紀幽

致一字粲褒袞譜傳渭川孫石屹益州笋行當海驚雷

龍躍闖天闔功名有咄嗟世道計舒卷平昔對床約里

閉規息偃大屋俯嬋娟晝繡替前扁

次姜堯章贈詩卷中韻

徐郎巢已焚庭竹亦無在太倉五升米舉室枵腹待云

何鮭菜供日與長翁對世有作金術閭里頗猜怪丘嫂

剪髻餘舊質疊新債

詩傳侯王家翰墨到省寺姜郎粲然文羣蜚見孔翠論

交辱見予盧馬果同異念君聚百指一飽仰臺饋我亦

多病過忍口嚴酒戒終勝柳柳州吐水賦解崇

工明長翁文集

卷之六

壯年志在行皇皇困無君老矣此念灰去住如閑雲詩
壇二三子一見勝百聞徐郎吳下蒙絢麗工語言滔天
自濫觴昔人求其源隱几有妙領未覺市聲喧
自甘謝祖風屑屑掃一室準擬高史來函丈置三席聲
名絕輩行文字追古昔黃白馬上郎覲面不相挹
眼青節食事日耐飢雷吼茲幸陪衆後酒卮甫到口不
離寂寞濱徑造無何有問津歸有期尚許尋盟否

次韻林子長計使

林侯上州麾便飫大官飯左淮魚稻供顧肯回一盼待

人均待士樂易屏崖岸懸知訖民庸功倍而事半淮鄉

舊樂土兼有齊俗緩頃來南北雜頗復煩城旦要須禁

教攘淮鄉歸正人誘率江浙遊手剗佃良民之田計使約束甚嚴淮民安妥立可息愁嘆

為公泚銀筆攘袂歌粲晏

次林長子韻

招燕拂雲樓讀子長遊壯觀亭詩因賦

孤亭屹山椒山靈信多助比肯迂玉節來作數刻住江

明山動色取重以公故未須坐譚客子弟自翹楚雲嵐

遠明滅阡陌隨指顧何以驗人情楚歛雜吳舞我來空

想像夢去上煙雨尚及拂雲飲醉狂煩杜舉新歡償昔

遊幸會乃如許古人重一飯志士賦盛遇歸時混遊人
徒倒各扶路

再次韻酬林子長運使坐轡客于舟中

繡衣如椽筆可但江山助登樓得秀句飛雲為公住使

君傾意氣接我便親故自村庸都陋兩公富全楚賦雪

容未至高軒先尤顧醉鄉信餘地肯作長沙舞和氣挽

春回冰柱下簷雨是日晚晴代舍着狗盜珠履貴豪舉

阿遷詫齊魏瓊瓊吾未許我從兩公遊趣舍本神遇更

當問學間司南取夷路

再次韻

拂雲宴之明日雪復作回思借趙帥賞雪于淮海樓樂甚茲遊足以繼之復賦一篇

雪神再出奇剪水誰飲助羣仙幻塵寰落勢未肯住政

成氣乃和此瑞豈無故同雲方頌周惡氛已銷楚乾坤

玉花中客子眩回顧人家占嘉平酒處應起舞了知及

物功當倍蘇旱雨前雪淮海燕把酒欲輕舉今雪燕拂

雲勝槩驚似許客途一笑適樂事詫晚遇回思何人家

鷄黍羞季路

陳宣卿為予作後彫圖

吾宗灑画墨似我詩得趣未至心手忘敢議江山助東

絹十幅圍中有千尺樹窮冬萬蟲蟄拆地雙虬怒彷彿
風雨聲想像棟梁具人間汗反漿對此毛髮豎怪君物
寫影落筆神與遇自言閱世孰妙解等僧悟每當整薄
餘了知精靈聚此圖尤傑出持用博新句墨君第一流
論世無殆庶三重且十襲復斬為子賦

正四言古詩

次趙判宗送李象山韻

邑政易墮我方在行挽袖輓車交遊至情兩君玉峙表
表國士下榻傾倒有賢公子我介三子匪同而和提衡

掖挽交口孰何月堂之評采久未改匿瑕振過茲焉有
待卜夜之飲輟驪駒章顧雖情鍾河魚未康作吏則疎
美人報政彼益者友工藥我病低昂達窮冥心所遭獨
喜故人往偕仙曹搖搖脩程炯炯初度眷言顧之矯首
雲路胡不小畱共頽醉山胡不更僕共譚孔顏西睇歸
颿徙倚悽切去畱之間仙凡斯別
王要蓋對公言
而未再次韻
判宗畱飲以冗故不
及終席作詩謝之
載羽其觴客遄于行歸從我私茲焉用情一奇舉秀萬
金論士生世已後識古君子宮倡羽隨至樂則和俚音

間之人謂斯何潔不容緇薰不猶改言受此柄劣副期
待斯道在公九報其章人徯時施躋之阜康曾是偉人
而未聞政袖司命手旁睨世病海瀕埤污蒼山周遭觴
詠翱翔樂殊爾曹盍攄胸奇煥我王度盍提公言闢我
賢路赫日中天麗彼南山賡歌交修不覲其顏有鈞者
刀用或一切雲龍從之無重此別

美人次程帥勸農和陶詩韻

房民種藝簡率水旱豐歉一委之天人力不至且不

知用水車土皆桑柘地而蠶事尤莽鹵

因帥勸農和陶詩次韻呈帥且示其民

之不甚

愚惰者

待采火未也

我官于房庸諗房民是腹枵然惟貯一真服事告工以
成以因雄也言之參天以人燥之潤之是有黍稷天不
竟刈物豈自植繫人之力温飽稼穡惟蠶而衣如稼而
食盍槌于家盍桑于陸飼眠後先如族昭穆爰繰爰織
如寇之逐悠悠玩日迄莫歸宿孰慨不車曾不計久孰
視槁乾徒用播耨吳豐楚約誰非朕畝穗斯爾斯均措
厥手彼多其儲汝則易匱做勞計工寧終不冀蹠蹠十
駕與驥一至枵中赤立吾代爾愧吏職民憂無庸汝鄙
農以濟學繫吾素履豈曰多言率遵前軌教詔順從庶

或兼美
程帥和陶二詩見憶次韻
我瞻西郊雲停不雨鷄栖亂山十舍手阻一書緘春尉
厲存撫望之或違搔首企佇停雲醜之蜚雨濛濛啓倚
有獲如渴吸江孤月河漢輕颺牖牕憶侍誨色杖屨後
從盱衡推予褰袞儷榮靡懷不傾靡言不情會晤良難
歛然西征孰謂愁斛無自而生竹萌觸雪粟花綴柯風
日山城未春已和命駕取塗計日不多官曹簡書公其
謂何于

江湖長翁文集目錄

宋高郵陳造唐卿撰

明海鹽王廷俊君英校

七卷

七言古詩

明妃曲

柘臯短吟

題趙伯政醫俗軒

記夢示師是
題胡處士猿麋圖

百花樓

題劉明府所藏秋江欲雨圖

送項平甫教授之成都

題欽廟主器時所作登瀛圖

布穀吟

薄薄酒

讀師文和郡侯喜雨詩次其韻

娟峯

墾山叟

竹米行

聞舒州書生聚衆為盜

田家嘆

寄馮尉

鶴帶箭行

招鄭良佐

送瑞蓮新米白酒與韓監倉

臘茶并三詩送李元誠 喜雪六首

東園詩寄興化吳從道

葉進卿寄和章次韻共二首

次韻寄進卿共二首 喜雪篇

次郭祕正韻 試俞珣筆呈羅大著

春雨寒甚作長句 王秀才亦愛軒

寄鄭良佐 贈龔養正二首

次韻巖上舍讀書目昏 謝韓幹送絲羔

韓守松卿索近詩
食晚菘新筍

題姑蘇南道者庵

八卷

七言古詩

贈鹽城諸友

歸自淮南雪行呈張鹽袁憲

龍泉

登龍泉山

丈亭

癸丑勸耕淨居

贈妙勝主人

贈趙排岸兼簡汪尉

雲巖曉二首

淨居主人索詩急筆賦

送雲巖老住天寧寺

識村翁語

魏知元有贈仍索詩作此言別二首

贈送行六子並次韻共二首

謝儀真諸公

繁昌縣感舊

琵琶亭

題陳主管東牆三峴圖

次許節推喜雨樂字韻共九首

次韻梁教授二首

次韻梁廣文重午弔古二首

江海長翁文集 目錄卷之八
急筆次梁教韻

高頭市

謝高機宜惠紙

寄安撫程丈

次程安撫蟹用詩字韻共九首

寄程安撫

贈安道士

卷之八目錄終

江湖長翁文集卷之七

漢七言古詩

明妃曲

漢宮第一人只合侍天子
四絃春風手可用入胡耳
天生國艷或爲累金賂
画工寧不耻玉顏初作萬里行
朔風驚面邊塵昏路人私語淚
棲睫况妾去國懷君恩穹廬
漸耐胡天冷政復難忘心耿耿
夜深拜月望長安顧歎當時
未央影胡雛酌酒單于舞
銘肺千年朝漢主傳聞上谷
與蕭關自頃耕桑皆樂土
向來屯餉仍繒絮廟

江漢長翁文集卷之七
筭年年關聖慮但令黃屋不宵衣埋骨龍荒妾其所
鐵山橫飛截平野寧復江流飲胡馬大會膽落狐鼠逃
虎頭將軍自天下拂廬連絡屯長雲提戈敢謂秦無人
驚霆白晝振解葉淮地一掃畱無塵歌謠千載淮民口
將軍歸飲策勲酒烏袍使者來如煙騰書乞和胡稽首
蠅鳴鴟噪初不聞賈怒一舉雌雄分辛勤結髮七十戰
數奇堪笑李將軍

題趙伯政醫俗軒

風淫氣格初不意往往腠脉流腸胃金匱一編亘古今
幾人用之能起癘痛恙切身知謁醫俗氣痼人渠不知
持籌側肩蠹日力錦鞬金彈隨癡兒斯人斯疾可攻否
更恐良醫望之走南窻解榻竹風清請訪軒中十全手

急筆贈歐處士

酒所歐索去甚急作此送之歐善画山水

南州江山昔所歷雨峰黯髮晴江碧幾年思之忽墮前
政得歐生醉時筆斯人歷覽山川奇得興落筆天露機
不須十日五日一水石已可王宰相攀追相逢便整南
歸拖短章許君慵未果酒邊搜句敢言工不解似君槃

元龍百尺君勿論芳時且可金杯側

對中題劉明府所藏秋江欲雨圖

明府侍兒善歌舞欲出不果

墨雲含雨江空濛島嶼細瑣連煙空我家茆屋菰葦叢

卷葦背笠隨漁翁展掩倍覺心神融緬想慘澹經營中

王孫玉面食肉相萬里山川入遐想當時官禁斷過逢

可得如儂逞江望江天漠漠那容回渺莽風煙生筆下

鳧鴻滅沒波不搖霧野霜林共蕭灑乃知絕藝神與通

盤薄傲睨窺化工市師日日江湖上幾人擅價能無窮

君家雙蓮冰玉質此畫與人俱第一固應緘鐫付牢收

俗眼紛紛莫輕出

送項平甫教授之成都

昔人石穴命西蜀豈知桃源華胥隱石腹詩人昔吟蜀

道難何曾錦城風物平時看平時風物今猶故井絡坤

維神所護漢官威儀二百年斬新不受胡塵污蜀民日

爲藥市遊家說追歡不說愁蜀人之文落中州中州僖

父縮頸羞吾徒向來夢遊處今日登僊送君去鰲頭上

客人所敬翰林先生士知慕似聞儒冠不容假

近士之濫吹者

去其半挽致鄒魯無難者况君筆力西漢前亟遣人才有

楊馬錦城之樂樂未涯綠鬢朱顏君更佳要奉板輿追

勝日暮萬里橋朝浣花古今勝槩爭入眼歸軒日日詩

囊滿黃鵠東飛定有書莫斬珠璣祇推懶平甫能詩每言詩不工故

懶作然人知其謙云

題欽廟主器時所作登瀛圖

唐家大府開天策祖廟工歌登七德偽王連組紵頸歸

山東羞死虬鬚客文儒濟濟陪英遊海內共指登瀛洲

未妨濫吹一延族中有謀斷臯伊流崇寧聖人撫洪業

黃頭遺種初芽蘖青宮進講多暇日睿情遠覽思才傑

水墨落紙分毫釐心融筆忘天運機鸞翔鵠峙儼在目

更用褚亮摛辭為天翻地覆人得知神京北風吹阜旗

空令便橋乞盟未央酒盛事拂膺正觀時天家所寶君

家得拜手披圖悼今昔鼎湖龍去餘弓劍上林鴈來斷

消息莫年筆力猶枝梧慣題七騎陰山圖為君斲句偕

画往貸我老淚淋衣裾

布穀吟人以布穀為催耕其聲曰脫了潑袴淮農傳其言云郭嫂打婆浙人解云一百八箇

潑袴不容脫鳥語徒慙動輸租質農器有袴那解新官

鳥何與人事人以意測之是非皆不同為作此

工月長翁文集卷之七

中催科吏如虎告時趣耕爾能許即今春種未入田安
 得縣胥知愧汝卑棲俛啄良易謀聒聒彊任田家憂啼
 時未旦夜不休班班血痕銜口頭人將近似測禽語汝
 意真解憂農不或傳悍妻天所怒姑不可撻渠不顧罰
 爲此鳥聲曩愆警世母爲郭家婦南方諛佛古到今人
 持數珠家梵音區區說似一百八譏訶勸相知何心浙
 風淮俗隔江水意解禽言乃如此蘇黃妙句誰嗣之兩
 地流傳併須紀世間儒墨紛相攻巨細彼此臧穀同爭
 如痛飲臥長晝付渠馬耳射東風

薄薄酒

畢叔茲通判寓吳門無數日不觴客取足而已不求甚豐嘗見招酒所小鬟誦薄薄酒侑樽有感予心擬作此詩

薄薄酒顏可丹麤麤布身不寒醜醜婦貧相歡人生浪
 悲行路難欲不外驚心內安富貴底用極力奸政自沐
 猴求棘端君不見寒儒骯髒默自守橫前書笈燕坐甕
 牖麻畦可衣秫田可酒抽針紉綻侑罇鼓缶齊眉結髮
 賴有此婦人不裂眦事無掣肘陶陶此興殊未窮一身
 易足天地中巷東畢公子爲樂渠能同宅舍頗軒亭園
 池亦花草相過便開樽掀髯寫懷抱蘭房菊秀梅含春

拂翠勺紅隨分好
 乏愛不無苧衣贈
 取醉何妨接離倒
 畢公子吾之樂兮
 樂自如一盃對婦
 兮布衣蔽其驅君
 之樂兮樂有餘妓
 女能楚楚罇壘應
 指呼醉鄉寬閑兮
 吾得俱設侍以金
 谷傾城之艷姝酌
 以宜城九醞之醪
 敷被狐白兮擁羅
 襦朝歌暮燕窮歡
 極娛婪酣怡儼驕
 妻孥外若豐澤中
 槁枯吾不彼願猶
 彼不吾羨畢公子
 方吾徒狂歌而起舞
 更酬而遞勸蓋不知
 南威嫫母之有妍
 醜衮衣短褐之為
 貴賤彼驕其有殆
 醢鷄之撒天豪其
 取如蝸牛之交戰
 益知心怡愉無窮
 塗中焚如無亨衢
 畢公子倡予和女
 笙應竿他年遂初
 賦老盍歌歸去塵
 裏無曠懷人間有
 同趣四方向來志
 一巢今可具亦不
 願黃金為梁桂為
 柱茅屋三間近君
 住

讀師文和郡侯喜雨詩次其韻

時秋雨霖霪大為民患臨安最甚吾

鄉恰五分熟可喜

濤波襄陵尚霖雨
 龍伯不省田家苦
 官中出鑿瘞流尸
 內地之民無宅土
 京邑本根枝外邦
 渠儂枵虛闖官倉
 流亡可飽骨可肉
 縣官仁愛吏慈祥
 古來畏天裁無小
 迄今百輩餘一笑
 陽愆陰伏誰致此
 共說羣儉投有昊

一昨雩禱餅不葷神祠佛屋香炷氲霓望朝昏耐跼踖
風傳真贗長紛紜我歸得同郡人樂愍農喜雨收奇作
想摩鯨牙凌浩蕩更穿月脇翔遼邈吾邦不熟農告功
溜匙雲子行沾儂小兒解謝倩人誚搜鐫徑欲分吾窮
乃公拙無尺一召他日當歸有先兆耕先耘後計未失
誰謂山林迹如掃世人二五不知十赴爭奪場不遺力
分表營營竟何補截趾適屨山藏澤黃堂詩老民所天
秋來衢路有醉眠樂職未賦吾歉然人言此筆須臾仙
小草可錄寸有長會從之遊據胡床蜂腰鶴膝容探湯
偕兒茹菽升公堂

娟峰

偷羊名山人惡其俗其峰嶺萃秀整可
喜余故作詩爲山雪耻而以娟峰名之

當年金華小家兒神遊九天狹八維房陵之山秀而奇
蔚藍一山羣山推兒肯下顧停輶輜珠貝作宮瓊門楣
門前亂石無津涯一叱轉眼羊萬蹄粉牴牾紛躩尼
蹲鳴踞蹠供兒嬉有褐之叟鬢已絲似黠非黠癡非癡
傲睨竊覘兒所爲掉臂席卷靡子遺一盃見罰兒醜卮
亟鞭風馭還瑤池幻變起滅荒是非彼此失得誰成虧
卽有而無道乃幾仙者狡獪人得知以偷而名真見疵

江浦長翁文集 卷之十一 三百六十
我來訪古求端倪山吾良友兒吾師嘉木異石相因依
如刻如椽如鬢眉名峰以媚吾始之爲丐片石儻可碑
更遣子虛摘厥辭此兒此叟當解頤

墾山叟

雜木漫山誰所種居不臨流多不用九月霜風捲黃落
羣山一昔皆班駁遙看拖帔橫祿衣農家刈粟山有畦
家家墾田日嫌窄荒林翳蒼蒼惜虛擲斲荒作熟不掛籍
輸官之餘給衣食州中之政常近厚不欲屑屑校升斗
寧其棄之聽民取實亦藉是作康阜繼承不皆惠慈守
汝須彌縫吏胥口防有後來規稅畝

竹米行

竹君亢宗擅楚墟一一脩聳山澤臞風流秀整與世殊
楚俗食息皆爾須薪之籬之且遽條筭管箱筐籬籃筴
溝瓦厥祖羹其雛隨索斯獲掇諸塗今歲麥秋旱歲餘
得麥僅足償官租竹君憫農如士夫著花結實千林俱
密砌玉粒綴旒珠株株擷取雖錙銖彌頃亘畝無閑株
磴磨蒸炊勝雕葫鄰里乞索水火如坐令顰蹙興歌呼
野叟好事能分吾香清而冽甘而腴此君行能不一書

此惠及物旋就枯摩頂放踵忘其軀所學無乃墨者徒
老子苟祿天之隅袖手無策蘇婢孤投七三嘆吾慙渠
密西聞舒州書生聚衆爲盜

邊頭僅絕胡塵警頻年麥秕禾不穎淮民久矣困憔悴
淮俗豈常藏不逞槌鑪血馬中夜呼劫吏驅民刃加頸
吾民苦旱無生意更復跳梁汝爲梗堂堂王度無玷缺
赫赫軍容仍暇整前年蝥戶煽凶威長蛇封豨搖湖嶺
元戎白羽纔一揮欲丐微生一無幸爾曹么麼真癩疥
天網莫倚容蛙黷昧逐青蟲干斧質盍辭綠林救要領

鯨鯢齧粉有前戒儻被皇恩各鄉井旱魃逞妖民倒垂
廟堂聖賢自司命徑須委節發陳廩少息流離服頑橫
勸分已責可次第庶援沉焚痊國病正資方岳佐堯禹
側佇剡章伸此情

田家嘆

五月之初四月尾
菖蒲葉長棟花紫
淮鄉農事不勝忙

日落和田見星起前之不雨甫再旬秧疇已復生龜紋
近者連朝雨如注麥隴橫雲欲殷腐如今麥枯秧失移
舉手仰天禱其私秧惡久晴雨害麥兼收並得寧庶幾

餅托登盤米藏庾儂家歲寒無重糶豈知送日戴朝星
凡幾憂晴幾憂雨吾儕一飽信關天下筋敢忘田家苦

日暮寄馮尉

尉時捕蝗甚冗

不爾南再會

我遵兔徑西山麓荆棘鈎衣塵眯目憐渠此地費流光
君亦風飡并露宿遺蝗躑躅無地皮田禾蠶食猶子遺
游飢可念勞可忍君自坦坦人憐之繁昌亂山僅容罅
一一到我馬蹄下南村喫飯宿北村罷極憑詩寫悲喏
卽今不作勞者歌器識視我幾倍過脫身箠楚吾已多
簡書趨走子如何皇家獵雉張雲羅長安知己肩相摩

五雲深深護臺閣縹緲羣僊依碧落卽看郭振起通泉

應笑卑陬郡文學

蘇晉曰

蘇晉曰

亦賦鶴帶箭行

楚州營士射鶴中之鶴墜郡庭若訴云

蘇晉曰

城邊鶴城棲水食衣楚楚欲鳴不鳴候天雨此肉胡宜
登鼎俎柳營子弟弓石八南山之石猶飲羽如汝正可
虛弦取血毛分披誰汝憐低摧直訴史君前史魚德意
浮魚鳥全汝之生令汝飽徐行側睨若無旁飲潔啄腥
近臺沼史君暫擁山城麾詔音不日遄其歸矢來無鄉
汝誰依江湖粗飽莫早飛

送瑞蓮新米白酒與韓監倉

珍珠滴紅敵紫腴君家寶此如珍珠我家玉友亦勝友
論交遣到君座隅秋蓮結實甘勝蜜香稬薦新玉爲粒
遙知毫末不及賓一笑聊同孟光喫史長前史無新意
登舟招鄭良佐采石下人南山之丞能爲酒吹海正四
向來聞名思見面常恨東西異鄉縣卽余去我尚葦航
亦復經年不相見重陽佳辰可虛辱橙香蟹肥家釀熟
相過一醉猶待速爲君已約東籬菊

正興臘茶并三詩送李元誠亦曾寄唱香傳冰映泉

池魚千里磨蟻旋人生出處俱可憐束書結鄰晏溪側
淮安一寤三十年積今成古閱飛電我與昔人同此歎
悲歡離合置勿論且喜重逢各彊健

向來袞袞論風期百年心事多好違君如荆石尚衷璞
我似野馬初受羈射陽廣陽水雲屋襄城郵城塵土衣
俛眉作吏一不遂丘壑付君未覺非

北風吹霜戰林樾菊花彫零梅未發畱君無物供吟筆
一炷沉煙伴清絕騷人悲悽爲搖落舟挽不回仍此別
還家試碾壑源春何似盧郎三百月

喜雪六首

寒空黯慘塞不開
筵瓊屑玉卷地來
乾坤變滅定何意
風爲披拂雲剪裁
和聲載路天亦喜
簸弄花絮爲春臺
了知麥秋更好在
老農指此豐年媒

平明僮奴更笑呼
羣飛掇取如拾塗
僵鳶窘兔真鮮腴
勸汝貸此驚啼鳥
巢營卯伏知念母
一向來反哺雛
梟獍縱橫鳳高引
殄滅此族寧良圖

玉龍睡起長風激
盡蛻玉鱗漂入極
蓬僊帝女聚瑤臺
剪水效祥誰所役
或疑天公陋塵域
幻作冰壺供一劇
是耶非耶竟莫知
杯酒聊容曲身直

淮春之樓高突兀
凭欄小耐寒如割
平湖穹山兩西子
愛此鮮粧巧塗抹
回首斜陽照屋梁
玉際坤輿尚摧壓
今宵更呼甕社龍
高掛明珠照空闊

去年孰不蘇捐瘠
今年已餘四鬴食
自公之來適吾願
挽回太和壽此域
一旬再雪近歲無
日日歡謠沸阡陌
瓦溝待伴亦不惡
要趁春前作三白

南鄰賞雪珠箔褰
紅爐綠酒圍嬋娟
北鄰飛雪灑枕席
擁戶亭午無炊煙
袁安吻燥屋不補
東郭足皸履已穿

嗚呼悲歌兮歌且止安得薪炭如蓬酒如水

東園詩寄興化吳從道

吳索詩久矣今尋盟云

溪流抱玦園亭裏三面欄干壓清泚養花種竹今幾年
紅紅綠綠皆風煙黑頭主人富文墨隙地營園喜畱客
去年香霧搖東風藉花一醉君見容翡翠拂衣蝶窺酒
歸時簷牙掛星斗有物繫足寒前盟徙倚東風空復情
歌前酒所何限意黃鸝應說鷗應記一春不風卽蜚雨
曾奉親輿賞花否向來懽游付夢雲向來券負今償君
濡毫却嘆無好語說似能詩葉明府

葉進卿寄和章次韻復之

君文如泛濤淵裏方快驚瀾忽清泚手抄口誦欲忘年
小窻長日銅爐烟端宜飲我三斗墨有底向人矜此客
平生歌頌仍歌風寬柔靜直能形容心知公瑾勝醇酒
人仰韓公真北斗詞壇正倚君主盟筆驅化工鉤物情
詩來得我玩世意刻石便當幽居記兒曹轉手作雲雨
陳雷輸心可人否中牟報政徑青雲此老洗眼久俟君
重逢首理車笠語定指渠儂笑城府

再次韻酬葉進卿

江漢長翁文集卷之十一
十四
病翁耐病杯杓裏鼠矢壓書毫不泚眼中凜凜黃初年
讀詩意欲凌紫煙君才王佐綬猶墨公外從容作詩客
心期與俗馬牛風化頑惠弱清而容不學玄明剛制酒
不學陶公辭五斗斯民信君如詛盟飲羊攫金皆用情
聖皇旰食求賢意姓字今應御屏記太微清都上雲雨
鹽梅調鼎極可否一艇村我眠溪雲詠歌太平橫紫君
十行看君拜天語去酌天漿列仙府言向人等此容
吾次韻寄葉進卿回車記我君能賢席門忽下鳧背僊參辰相避徒自惜

但有妙語邦人傳阿戎齒錄雖牽聯陸沈父書如縛禪
題鳳不寘稽喜下殺鷄容羞季路前才名放君一頭出
高山可仰井用汲小兒弄筆不及嗔顧捐鄭朴收和壁
作十日飲當有時岸花水芝皆可詩祇憂老氣不復振
挑大國楚提偏師今汝

再次韻酬進卿

平生友人今事賢長裾每侍黃堂仙東方一士復石友
平安幾見郵音傳斬新好語來翩聯當念醉叟方逃禪
亦知平處古人上更卜氣蘇君子前敢辭敝帚爲君出

智井塵生不受汲但思共坐蓮蕩風雲錦明船月升壁
把酒一歡當及時定拚費日仍費詩轉頭相望便淮浙
已辦顧直呼篙師

喜雪篇

玄冥職寒事疋職今幾時窮秋試雪似早計冬令欲盡
噤莫施風聲不怒日車近客裘未綿河未澌吳門十萬
家心口同一疑天公行四序暑寒各有宜歲云暮矣未
見雪嗣歲何以銷疹疵或云太湖龍避靜扃神扉把弄
明月坐貝闕世間休戚吾何知瑤臺十二層列坐萬玉

妃屑瓊翦水亦戲事仙界運指想不龜徒勞望切切終
竟來遲遲芹宮冰氏翁見與俗異岐亦知僊人不作省
事過龍公肯如游惰兒顧此千里間司命付吏師拊摩
窮日力日究仍夜思向來裸露各温燠一衾一絮公手
之趙衰之日周比屋更以晴日相融怡黃童白叟歌且
舞和聲協氣填應篋羣仙飄然下龍亦赴指麾先之汎
灑五日雨一雪不待公有祈花作坻隴絮作陣雲爲翦
刻風爲篩豈直冬温要彈壓抑令宿麥蒙沾滋去年豈
無雪雪神春不歸賑施不預計熟視民飢羸他邦亦此

雪災祥果是非苦樂咫尺殊滿聽民嗟咨孰知此雪瑞
此土邦之人兮建德之遊春臺嬉坡僊昔穎尾喜雪憂
民罷賦薪遺粟亦戶到盛事未遠誰可追卽今欲雪未
雪已著念挽回春意能先期擬揭蘇臺之仙惠慈術請
繼穎仙千古垂惜無師曠琴幼眇絃吾詩

次郭祕正韻

伊昔乃祖使朔幽艱難以來無此流節旄欲盡氣彌厲
始元屬國真其儔清篇神護到江表河梁訴別豈所侔
嗣孫學力有家法洪毅不割清不浮驥子受轡抹燕越

粉袍長鈇猶小畱人稱張籍好古淡我愛趙壹辭伊優
往之論交恐避俗是人搖颺如綴旒長年閔默墮俗學
夙志顧省傷羈囚頽然扣門出新作山竒海祕困窮搜
頃從同盟漫著脚歛遇強對須抽頭吾鄉巨擘子龔子
磊砢貯腹皆陽秋麗唱妍和日九返君腕脫矣盍少休
惡語送似定一笑共笑燕石醜精璆

試俞珣筆呈羅大著

時羅趨朝

市工營營有工拙珣也旁睨裁一映扣門屬我祗厚顏
結字著書無一愜繡衣僊人歸告猷盍取此長助毫髮

青霄政須立螭珥黑頭當看獲麟絕豐功被世名不滅
珣亦歸裝倒明月

春雨寒甚作長句

白龍天飛宜莫測吳儂解數歸消息年年青帝發生時
似如園林春動色西山龍母誕彌月歸覲親顏供子職
壽觴瓊醴俗共傳玉鱗素髻誰所覲酸風鼓寒苦霧塞
行人縮頭欲僵立蛟鼉凍蟄大木拔更問嬌紅并眉白
閉門三夜淙簷雨起視溪流高數尺去年夏秋走祈崇
雲電收藏日血赤儂家倚鋤望眼穿白汗呀流地龜拆
天可問曷不遣兩龍此時會生日

王秀才亦愛軒

王郎一室天地中客來有榻樽不空奉親一笑辦能事
插架萬軸收新功男兒磊落四方志况子郎罷方詩窮
亟書周庸賜漢第可用容膝師陶翁

寄鄭良佐

良佐戶屢甚名族之者以為狎小媚諸生多引去者徐察之乃同姓比居之子

書生著書貪日課文士賣文救窮餓青樓歌酒屬富兒

不意此名君乃荷風波平地自誰始一倡從知百人和

東魯男子舊修謹南郡諸生底逋播平安敢煩街吏報
潔白長賡楚人些流言不計兩曾參機上慈親枉驚墮
阮舍尤須辨南北杜冠可無分小大寧知宋玉笑登徒
或指宣尼作陽和壁亡誤使張儀去兵利徒為少卿禍
違從况食祗厚誣償同舍金聊引過無黥可息劓可補
未信白壁青蠅泥君不見吾宗孟公士所傾亦有俗子
驚人坐

贈龔養正二首

與養正俱病久不晤會作詩寬之相濡响之意也

思君不辨一再過束書謝客方臥病不為儒林丈人地

可耐造物小兒何我亦病氣剛制酒自春迄秋在告多
幾時蹣跚數訪我為君快作鯨飲河
百骸綴聯等非實調虞小愆諸病入忘三彭仇念昔聞
作五禽戲嘗此術吾身甚羸心甚安妻孥已捐今昔觀
平生學力外生死砭劑求工聊復爾

次韻嚴上舍讀書日昏莫

聲利營營閱蜚電人生悲歡更幾遍羣兒沈迷如病醒
尚念醇醪夢酣醺吾儕較之唯阿爾書淫僅逃紅綠眩
短檠半世課蠅頭老閱舊藏紛莫辨近從損讀得奇方

穩坐幽窻憇吾倦嚴侯著書定千載尚向枯策求聞見
可無一洗竇郎癡捉筆因君拂塵硯

謝韓幹送絲糕

玉顆瑩澈珠就磋吳鄉早秔莫計過無乃風露秀結異
移種崑崙之木禾君家廚婦窮百技三春九浙付重羅
銀絲萬尋忽縈積中疎外潔生搓按扶桑仙蠶大如盎
繰之本供織女梭悅驚萬啄闔新巧習作冰茸雪網窠
卽今擬形供食事纖手幻出千約多倒甑入筯第三絕
色香兼味皆可歌周官賓祭珍饗餌有此復具理則那

詩翁物色及糲糲得此來前當見訶鱸盤漫詫金縷飢
湯餅徒夸銀線窩瓊酥玉膩信非匹胡麻崖蜜仍相和
感君泛愛記衰朽回首一笑分餘波腐儒口實長作累
饑饉之名定不磨金山別去每掛夢老眼復見還雙摩
婪酣得飽問便腹如汝平生相負何更從公子乞方法
日當飫之老澗適買田二頃不種秫未怕酒客來操戈

糕不用糯金山者名天下

對掌韓守松卿索近詩

錄數紙寄似并詩道意

昔人技成歎屠龍似我五字耽雕虫鑄肝指腎探儻恍

半世不辭詩得窮詩成頗訝神與力疇昔夢中分五色
援毫動作萬鈞幹應俗何曾一錢直豪韓有句當千年
取世所遺政自賢數篇蜚向青眼邊可復把玩盤中圓
君家十頃圍翠密近榭遠亭如画出特須喚我未罇同
笑對風煙揮此筆

食晚菘新筍金山僧去我世夢步邪對良豎雙

化兒出奇安此腹不稱智囊不盛肉飢雷收聲纔脫粟
薦以藻芹仍杞菊園丁可提監河侯供我朝昏三畝綠
卽今春菘晚不衰况復桂筍森可束含煙帶露不相下

拄腹撐腸未云足食單一日得二雋回首常嗜真輿僕
殿春日月官上速日擷芝莖剥織玉風排雨滉猶須卜
臥作枯芟起成竹

題姑蘇南道者庵

城南路長勤往返迎送何由貸吾嬾向來紅葉撲吟袍
重到綠秧圍望眼有人閱世風前蓬年年客我此庵中
問津莫問庵中翁貝葉結伴渠陽聾

江湖長翁文集卷之七終

重慶府府署空界亦人閱世風前委羊手容非北都中
如南遊具情此受收同由貧日嫩回來珠翠
今所

題詩

聲纔脫粟

幾春日自自止教日淋淋
五風其雨野醲醲綠

其更難想未忘只食單一日
其真與對

江湖長翁文集卷之八

七言古詩

贈鹽城諸友

鹽城偏海不可井飲城西有池甚近人狃習俗置不省袪蔽起俗非當官

或可以告

為邑者也

泉脉不通海濱土人家轆轤上鹹鹵新秔本自玉為粒

薦孰便如猩血煮初嘗已歎失香味久食更憂戕肺腑

城西禪海百頃寬紺碧瀾瀾含霧雨我昔艤拖酌清冷

潔比盤冰味牛乳得非天意補此乏跬步可軒殊不苦

江漢長翁文集卷之八
但令十舟玄津致坐遣千室皆甘茹迄今俗習不自拔
如食置傍飢不取銅章師帥盡時賢盍有教條祛惰窳
君不見樂天六筮挽西湖惠利可容今愧古

泉湖歸自淮南雪行呈張鹽表憲

歲星逼歲回躔吳吳兒不用憂旱枯社鬼雨師當率職
雪龍已復隨指呼百年眷屬無寧居崩騰膠葛周太虛
翻雲挾雨動十日洒潤及物無遺餘帝意嘿與皇心符
婁豐政欲嫔鰥蘇鳳麟告瑞底用此粟麥充腹可使無
節物破臘催謝徂挽回和氣浮洪爐熏煙已告佛供罷

壽學想見皇情虞漂然一舸將腐儒風前壞席爭長塗
乘凌繽紛入縹緲俛仰色界行画圖平生壯觀老不孤
今段造物真娛予擬從玉妃助剪水徐與帝子看積蘇
天僊着我白玉壺應笑袖手毫不濡歸從繡衣兩詩伯
照夜更掇驪龍珠

時兩公有雪詩故云

小雷龍泉

神龍媚此清淺居歛然騰陵行太虛越民倚賴龍沾濡
頻年歲事勝三吳至仁一視無戚疎置彼此及心缺如
嗟龍自伐端欺予淮南之民如渴烏

是年淮南旱

登龍泉山

越山東來萬煙鬟餘姚爲邑山四環客車細穿市井間
邑屋更繞龍泉山佛閣翬飛最高處遠近嵐霏隨指顧
小畱開船有新句君知可是囚山賦

丈亭

小江隨山巧回互轉首碧流分兩股丈亭繫纜待潮生
徙倚纔容一炊許潮信曾何差頃刻固應作意憐行客
爲誰東去爲誰西酌酒慙勤酬河伯平土環瞻亦不疑
壽學癸丑勸耕淨居

十五里近車不驅淨居之役良舒徐愁霖鼓寒妬春事
倏喜淡日行雲衢涉患知樂聞自古積忙得閑聊尉予
崇堂脩廡盤礴久厖眉鮐背紛前趨爲催酒肉勞苦罷
細問里閭愁歎無怡然離席手加額共說溫飽沾妻孥
頻年豐登豈偶爾聖恩及物天地俱卑官政拙民未厭
輦輸肩負憐朱愚餅果在袖笑在頰闖門稚子爭攜扶
我亦僧飯對兩雛未妨清坐留斯須爐香翻頻茗事竟
殿影已曠東廊隅復撚吟髭度盤紆人聲鳥語樂有餘

贈妙勝主人

勸農正覺風寒甚明日歸晴色可喜
迂路訪妙勝主人因贈以詩且道塗

中所見 見

輿臺却略車不前寒風皴肌冰在袖還家大勝去家時
 景物頓回春氣候宿雲壞裂無幾畱滿放羲輪碾晴晝
 臥石犖确猶潤濕短籬檀欒挺疎瘦是處麥畦間青壤
 誰家柳陰圍碧溜前山競獻曉髻濃後海全收紋縠皺
 妖桃艷杏各趺萼近樹遙林錯文繡池魚酣煖泳清淺
 山鳥何知語幽茂搜詩忽忘路遠邇啁鵲不離車前後
 閑身勝踐多齟齬緩駕幽尋容宿留轉從淨宇寄倦憇
 得訪老禪閑話舊拂除塵壁詩刻在俛仰歲華春事又
 開單一飯吾易飽袖手千偈渠無陋戴星摩撫防務廢
 挽袂留連慚意厚出處殊科要酬應氣味相投真解后
 吾歸自竟武城歌放師道價諸山右

贈趙排岸兼簡汪尉

奉化二奇士得之聞見趙君過我得而友之昂藏蕭散真

晉宋間豪邁士作別未幾書來訴窮狀因急筆作古風寄之汪君輕財好施惜

未識也詩兼簡君

二年俛眉簿書俗分無足音到空谷趙侯縹緲塵外人
 肯艤歸舟問幽獨冰壺炯炯當九秋巖電熠熠懸雙目
 小家樽俎解咄嗟卷褥或能營酒肉從容不待投轄留

坐來屢跋銅盤燭酒酣辭鋒不受觸脫手詩成驚破竹
雄才偉論兩超絕磊嵬大稱此腰腹定多欬唾到銀筆
自可風標藏画軸別去日月詎幾餘豐悴真成手翻覆
慈烏絕哺心糜碎脊令斷行淚陸續化兒與人底異情
念君胡寧耐荼毒詩腸祇作飢雷吼譚舌未免窮塗哭
肉割鷺股竟何補書憑鴈翼慚虛辱退之方急一簞食
少陵徒思萬間屋語追競病代舍寬王將軍家祿千斛
奮蜚行矣君有待否泰更之吾已孰豈容步仞局赤驥
會見青冥上黃鵠奉川之汪乖崖上有粟如阜金如粟
載寬縣籍償丁筭長與饑民共年穀一牛鳴地監河侯
盍令頽闔能餽粥

雲巖曉

淮山歸夢清莫續僧窻睡足雨亦足鍾鳴鼓動萁爐紅
深炷沉檀共僧粥我生身口良易供志願略與山僧同
明年聽雨淮之東還許幽人林下逢

再次韻

深堂清話紅燈續不減前人參白足譚禪論詩僕爲僵
更啖芋魁分茗粥賦租正爾憂闕供安得繼日笑語同

他年渭北仍江東
鴈書定復嗟乖逢

淨居主人索詩急筆賦

淨居棟宇犀辟塵
山居不乏塵外人
我來肯作厭客想
老語一一刊翠珉
頻年愧煩香積供
醉後狂言亦安用
詩成每博覆瓿譏
更向叢林繫輕重
皎公啓公後進師
好事繼今誰似之
他年落筆須妙質
政自兩公勞夢思

送雲巖老住天寧寺

道人兀坐雲巖山
雲巖之雲是知己
風噓岫吸漫不知
道人心亦如此從
地湧出煥金碧
信手拈來自奇偉

門施鐵限十五年
一旦刺頭開籃裏
天寧古刹中闡闡
學子遊人萬其趾
世將喧靜計今昔
不信道人心似水
方圓隨器我何與
乘流卽行坎當止
十字街頭鍾鼓鳴
八千偈成一彈指
今秋客公我得閑
井甘不竭囊無底
清譚要洗三載塵
肯學玉川勞送米

識村翁語

勸耕淨居村翁老而健問其壽云山居
淡食乃爾昔一村叟一野僧皆壽百二
守杜郎中史丞相呼而致敬厚設而歸
卽逝二人壽未必止此厚味非野人所
饗也其言有契
予心作此紀之

山僧一生饜山藪
溪叟所仰纔魚菽
闔首侯家與相家

江漢長翁文集卷之八
珍膳不應填汝腹百二歲翁清且羸茵坐鼎食寧其宜
馬知暫飽博長往穀神震怒脾媪悲官家顆粒皆民力
此祿食之須此骨兩翁妄食壽弗延當念無功暴天物
我雖不偶猶餐錢車行肉飽隸後先食功揣已懼不稱
因翁有言呼使前盤几畢識翁所言

八千魏知元有贈仍索詩作此言別二首
朋從應醜岐薄厚魏郎凜凜金石友四年再面情轉親
日有溫言到衰朽涇渭不混清濁流雲雨肯隨翻覆手
自今淮徼望吳天安得山林長聚首

作詩求工今則然古人培本深其源周雅莊騷略未究
浪摹月露綴語言知君胸中藏武庫平生遊戲皆好句
老夫血指妙斲前亟當還家事溫故

贈送行六子

予之官嚴文炳傳商卿張公輔臧子與子儀汝舟送

北風獵獵吹行舟客子坎止今乘流汀洲立鷺仍飛鷗
定應笑我當退休一貧所驅不自由表表六子古與儔
知我此意不見羞送行兩舍未轉頭我生甚愧羊荊州
郭吉校君誰劣優天氣氷井風力道召棠蕪城甘滯留
推挽共作平山遊倚欄逸興浩莫收劇譚落屑酒溜油

不許旅寓生羈愁飽閱世態諳枵浮高情如君未易求
嗟予老矣胡為酬相與金玉論軻丘

此身漂然不繫舟呂梁灑瀕皆安流江湖萬頃浮一鷗

此心玩世常休休吳山楚水紀所由湘纍老枚寧匹儔
琢句亦復忘晨羞搯扶肝腎掉白頭歲六十四方佐州

計原夫日無乃優客路日月迅且邁朱顏壯志逝莫留
吾聊爾爾賦遠遊山川自可卷軸收老懷槁暴今膏油

訪峴山石弔莫愁庸隨大楚皆萍浮顧我不樂夫何求

緬思六客同獻酬如挹韓衆追浮丘

謝儀真諸公蔣教授楊知錄吳司理曹主簿挽留作

十幅擬掛東風蒲衆賢好事爭挽裾盍不一笑留斯須

咄嗟而具成燕胥僊醴湛湛白玉壺篆烟裏裏黃金爐
駢集水豢羅山膚彼妹者子不待呼鞮塵相攜來坐隅

炯然浩齒明眸俱含宮吮羽纍貫珠移柱品索鳳將雛
詼笑盡略世謗拘諸賢堂堂吏而儒才猷聲稱雄萬夫

慰藉傾倒向老迂風義已與古並驅况把樂事分窮塗
衰顏得酒失槁枯暫容二子相映朱尚憶扶醉下筍輿

江灘人聲雜鴈鳧一歡轉頭墮空虛此歡欲繼良難圖
周旋四賢偕兩姝此人此日吾知無
繁昌古縣依山麓縣外峯巒更重複連山斷處圍平陸
有地可耕無十六昔我作尉三年留局促似爲山所囚
野行村宿飯古寺山路孰悉如吾州車如鷄栖馬如狗
風袂塵襟博升斗是時身健髮財班頗復興懷爲奔走
遠近人家山影濃與我周旋圖畫中山鳥翔集相和應
野花開謝能白紅薄宦而今更長道回頭祇覺當時好
筋骸罷憊鬢摧頽不歎漂零歎吾老

琵琶亭

抱愁莫遣朱絃鳴此聲更與愁人聽江邊一聞琵琶語
月慘風悽如動情何況思婦傷幽獨少年多藝顏如玉
江州司馬廊廟人暮上諫書朝放逐輕攏細撚忍淚彈
開樽側耳思惘然一詩說盡兩心事遺音畚入歌舞筵
此翁詩名自千古誦詩亦歎琵琶女誰惜亭前泊舟客
頗爲漂零動悽楚鄰家故妓春風手此曲每侑澆愁酒
今宵月影祗三人倚欄長嘯空搔首

題陳主管東牆三峴圖

堂上不合青楓起煙霧
墻間江山更疑誤
千巖萬壑眩明滅
暝翠浮嵐滿窻戶
峴山鼎邈屹相望
發地撐空騫欲翔
一峯拔起羣山上
業若紫蓋相雄長
仙山佛國住杳靄
晨煙暮雲追懍恍
良工妙與山寫真
詩中有画須詩人
誦君清詩對画壁
承蜩斲鼻俱疑神
知君懷古有高趣
我擘襄山識佳處
願抄此詩謄此圖
開卷時時揖羊杜

次韻許節推喜雨

昨夕聽雨喜不寐
清曉欲作喜雨詩
撚髭臨紙筆未落
墮前乃獲瓊瑰辭
白鶩免烹巫不鼓
麥田欲乾沛甘雨
玄璧揚輝珠剖蚌
詩思方慳得奇語
似聞比屋歌謠中
如我與君歡喜同
偕渠一飽已入手
錫羨陰隲繫誰功
民是天民天自恤
佻天之功天所疾
君言寵矣吾敢荷
更喜因詩識詩律
吾儕豐悴懸諸天
此雨無亦天興憐
轉頭七筯薦餅托
鼓腹可但田家樂

麥黃再次韻

舊雨新雨不後期
豐年當復歌周詩
手調玉燭屬廊廟

江海集卷之八
歸功假手敢固辭婦子赴工聽曉鼓山歌和應揮汗雨
麥黃蠶老十分孰坐衙日日聞此語偕君薄宦羣山中
與我憂喜大抵同畏壘謬詫庚桑楚醉鄉盍訪王無功
向來小旱煩憂恤喜雨新來慰衰疾焉得妙思作彊對
如墳和箎呂應律行藏老矣不問天一飽肯受兒輩憐
爐熏頻炷牕頻托公餘還我文字樂

再次韻荅余司理

雨來不後晴不遲今晴昔雨皆可詩自憐老去才易盡
平日尚有黃絹辭挑燈初聽鼙鼙鼓南風收盡簷間雨
麥根旣潤燥乃宜此事時傳老農語人家屋脊黃雲中
南村北村歡笑同定知老子喜欲舞鼎來騷客爭奏功
詩人例窮天肯恤浩然不逢李賀疾宿習纏結我未脫
前身永思今次律君亦妙巧戕其天低摧與我皆可憐
此篇嚴密更開托却須編入襄陽樂

次韻荅路監獄

房陵水秀山崛奇政與路子昌其詩臨風啓緘誦傑句
狂醒病臥聞楚辭陰陽閉縱坎其鼓年年瀆神爲暘雨
所嗟坐衙未暖席已有疲民相告語買牲醴酒方熱中

霈然一雨千里同雨足便晴夏田好麥秋決可收全功

與民父天免銜恤更因歡喜忘肺疾雄篇良佩君記存

聯翩古調仍唐律

君前以律詩見遺

人才高下淵視天貂不易

續私自憐側理漫草腮漫托纏聲鹿鳴媿林樂

再次韻荅節推司理人寒別樂

人生行樂當及時底用航古仍癖詩老子平日汗牛載

五窮追逐不得辭羅幃圍香擊鼉鼓食填巨壑酒如雨

君看白面統袴郎不知經史何等語笑我蠹魚塵簡中

口角儒墨紛異同腹雷晝隱吟仰屋詫向子墨收新功

雪毛眵眼不自恤譏訶抵觸取憎疾幾人插羽上金鑾

漫云九事八為律不如醇朴還吾天抉腸剔腎誰汝憐

且從酒徒趁落托向來失計今差樂

再次韻荅梁教授

陰晴如期喜可知况復攜束收新詩相如未至客之右

開編自愧多蕪辭倅貳付我千家聚佩襟戴君霑化雨

相從可獨臭味同接耳僅聽淮鄉語詩來驚倒聶嘯翁

結字著語古與同少須官廨住家穩往問句法幾即功

似聞知津問沮溺山間晴乾度山疾一笑行舉通家杯

計日尚前蕤賓律過君定發醯瓮天傾困倒廩當吾憐
家居除領齊眉托意與諸雛誦思樂

蘇詩記揚州舊事

吟成遂復用此韻一笑
事固有大同小異者

合宮嚼藥今柳枝燕臺酷賞騷人詩國色天香豈凡品
瓊枝璧月信好辭向來弄影對簫鼓楚山高深自雲雨
若爲白晝去臨邛鸚鵡難防漏私語翡翠久矣雕籠中
轉頭縹緲雲鴻同遙知懷璧駭衆目負山雖力難爲功
敢意歸來辱收恤瑾瑜匿瑕山藏疾客子一誦打鴨章
東君盧胡置嚴律風生翠扇闐闐天酒邊重聽想夫憐

樓中之燕當掌托老子久謝裙裾樂

再次韻荅節推司理路監獄

世傳秀句我旣不能如唐王維民依慈母亦復不能如
漢杜詩一官疆頰竊溫飽粗免庚癸形庾辭分從村歌
趨社鼓厭見翻雲覆手雨橐中僅辦買山錢徑當拂衣
踐此語三子表表吾眼中趣操肯復衰朽同辭壇嶄然
推大手官業行矣收雋功老夫老矣暇他恤灌園之隙
要治疾折腰曳裾今痛定端如縮鼈取卒律誰能違性
譽所天俛眉屏息前乞憐回思一挽間千托帶索彈琴

有餘樂

贈梁教授

梁與予韻頗翰墨相傲於寂寥窮約之境惠詩用其韻答之昔人反招隱意也

梁侯藿菽芼山雌冷坐欲試菁莪詩嗣聖急賢饑渴似
項背趣召君得辭九門方懸帝堯鼓久旱可無轉巖雨
幾聽言議得韜韞了知它日疇所語人言才俊當居中
可使流落吾輩同鄧禹舊補文學掾蕭何不書野戰功
民庸國計當惠恤和扁之側無癘疾會看同沐一臺春
底用更試三尺律生齒所戴共此天杞國過憂吾絕憐
八柱如虧遲君托未應詩酒私所樂

次韻梁教授

房陵為州亂山鎖雅宜著此衰病身勿云蕞爾曹鄒下
舞袖莫回脚不伸土風疎邕北通魏語音勁正西帶秦
入筴臥沙慣割鮮溜匙雲子免薦陳發朝淮鄉此槃礴
兩地頗復同真純出處徑付無何有泊乎無營道自親
損欲驟覺靜勝熱休心寧作良裂寅聲名籍甚梁夫子
相與一笑寂寞濱胸次但有雲夢澤衣上不留京洛塵
賓友固應消鄙吝妻孥亦解忘賤貧衮衮新篇警衰朽
清淵曉吹轉漪淪顧慚陸沉俗吏行長須叩戶何妨頻

世儒難得詩造妙汝曹但詫錢通神甓社它年訪遺老

為君蠅頭編舊草甓社高郵城西湖山谷詩亦及之以贈孫中丞萃老

次韻梁教授

一代司馬公山立臯稷後聲名竦華夷所樂在五畝著

書不止陵左班措世治平嘉祐間不欺之學誰與嗣元

城逸駕君獨攀秀野之堂新斷手儼如拱侍公左右扁

榜結字吾何取顧使與堂傳永久斯邕古篆學未成鍾

玉石經空典刑向來玩碑一再宿怒貌渴驥慚舊許柴

車爭道乏妙領畫沙之錐猶露穎閉門柿葉徒滿屋竟

使吳霜颯垂頸潮乎相逢柰老何妙語愛君金叵羅及

君未申元祐科深衣容我時相過

次韻梁廣文重午弔古

去年重午飲酒歸賡歌醅酢無俗子今年重午約同飲

更向詩人閱詩史平生玩物遊戲爾把酒孰知情所寄

交朋徑略形體中嗜好本非杯勺裏自昔騷人吟九辯

亦知令尹安三已宗英分嚴君恩重一身摧折財稊米

空遺楚俗千古哀沈菰鼓鷓喧江渚屬世休明偕五細

尚論取友吾謝此但製荷裳扈明月無復淒風起蘋芷

江漢長翁文集卷之八
十五日
明日菖盤薦急觴容我客間先坐寐君來何止四者并
九室之春賤如水

再次韻

菰粽蘸蜜綵作絲竹萌尚籜榴未子官居端午不可孤
小却文移謝胥史酒社切戒屐聲疎詩郵莫漫奚奴寄
與君相望淮南北宦遊適偕亂山裏老紉章紱我不稱
路指雲霄君未已相期玳席醉九室先向花牋驚八米
自昔詞源浩千頃粗許老子窺涯涘明朝酒罷詫里閭
頗嘗見客今有此古人獨醒怨不逢時拳蔬蕘棄蘅芷
史隱顧竊詩酒樂自公逶迤佳食寐一歡况復疇佳節
豪飲當觀建瓴水

急筆次梁教韻

禱雨應祈梁有詩褒予過當且早晚有三杯約故末章及之

旱氣如燬民其咨漂然一雨喜可知醮席龍壇揭精意
青章祝號免愧辭馨香了知罔時怨耕耦亟用發爾私
四鬴足食可倚俟三年餘蓄夫何疑小麥困藏蠶已擇
及此得雨未後時陰晴向人信大巧此柄似付吾輩持
豈特貧窶免逋捕抑令催歛減箠笞旱魃蝗蝻方躑躅
不待炎火俄殲夷吾皇聖德帝所佑上瑞何必占著龜

職民之憂假守事遇裁詎可缺禱祠貪功謂盜古不予
讀詩愧色浮清涯揣已未敢拜此賜亦念佳句堪療饑
擊鉢千紙久不講聚頭一醉屬有期自公退食况病減
今我不樂將誰欺青樓歌舞有新按中年絲竹聊自怡
已戒隸人謹約束酒闌一屏驪駒詩

高頭市

陂行欲盡山崛起十數人家住山背行人不炊市無米
買餅充腸聽願旨日未薄山收市里閉戶人家呼不起
今春倦憇車曾捉風物人情不如此主人睨屋爲翁指

方秋此屋猶在水間里襁負皆轉徙老夫危不魚腹死
更向秋田問餘幾使之饑寒責廉耻不志資人約諸已
焉得人人顏氏子向純厚俗冷不美曾是登山號庚癸

謝高機宜惠紙

詩人百用皆草草文房所儲備精好君家此紙世上珍
肯分嘉惠及此老女膚膩滑葭膜勻溪叟搗冰舊疑神
何人袖有善幻手解藍田玉山爲貧銀光魚卵人皆重
薛濤小牋纔近用盍自留供鳳尾諾十吏卷舒看飛動
杜郎百幅顧見貽敢用實腹療朝饑囊詩方逐大堤客

快意揮掃播拮辭策翰墨勲闖宏大功名逼君方未沫
何當太史牛馬走秉筆特書端有待

次穀城常宰送羊先是襄陽

羊甚佳試效蒸之亦不惡故作

寄程丈

書生次舍先菜把迺有甘肥來筋下今日之羊我爲政
屬饜敢忘分甘者府公寬容蓋代豪憐我詩窮仍老饕
臥沙九肋七不筋出甌嫩顛如花糕卽今野飯山棲地
食指屢動饑涎墜穀城明府府公似割鮮庸繼臺無饋
食神黃媪喜欲顛一夜搜詩不得眠將軍問腹汝是負
世用官業俱茫然論情少須分袂處未敢徑指房山路
餓鷹得飽遽颺去政恐阿登輕呂布

村菜次韻程安撫蟹二首

橫前兩鋒踞草泥恃勇寧復防吳兒倏隨主父死五鼎
豈止郭最遭寢皮凡物有用皆賈禍汝禍已酷孰使之
平生一窟不自辨敢羨鯨鱷遊天池含飴茹酒膏懷璧
僅得士女稱珍奇不搖喉牙詫雋永遠封嬰缶爭矜持
爬沙躁擾良可念請續杜老觀漁詩

物生不學螭蟠泥禍及乃誘造化兒良材厚味庸自保
熊斃以掌豹以皮雄戟介甲亦壯矣乘流未可聽所之

江漢長翁文集卷之九
託身要是鯤鵬宅不然借穴習家池主人仁心及虫蟻
一肉三韭不好奇每譏騷客寒蒲縛更笑狂士左手持
忍饒愛物良未失可愧於物形聲詩

對骨次前韻言懷
莊叟所願龜曳泥正平止從屠沽兒了知聲利昏酣者
豈止癡骨包妍皮江湖我雖吏隱去仰示二子終愧之
逝將歸種二頃秫又欲深鑿六畝池目寄飛鴻百念息
付渠夸世與釣奇山翁溪友結三益長年直釣時一持
灌園之隙課阿買分題細和陶翁詩

次韻程帥

程分惠糟蟹破戒食之因詩來遂作

嗜慾割去土與泥調虞氣血等稚兒拘拘謏謏世所怪
未免鶴髮仍鷄皮甘脆爲目不爲腹蠶繭自縛良苦之
兩螯公子大於扇九室春色堪爲池
九室春房州酒名開緘况
讀萬選句快意領此一段奇自憐忍欲忍艾似涎流津
體不自持明知喘疾有時愈更寄斫雪加餐詩

分糟蟹送沈守再次韻

笑呼赤脚拆印泥婦姑歡喜舞兩兒沅江似識九肋鱉
伏雌祗慣五羶皮海螯不落江螿下郭索公子是似之

但聞淮浙詫此味豈意分派來江池

今年二州門戶獨大蟹不乏

亨良多愧古以饕餮聯窮奇史君據案帶減圍一杯解
顏情分持未用秉燭喚窈窕促軫且絃詩老詩

對不再次韻

犯雪南歸因帥來詩有雪句

膈趵履險不踏泥我亦策蹇驅盧兒玄雲吹寒作飛雪
瑣碎渺漭無地皮幻蒼變白頃刻爾翁張披拂誰爲之
定自帝所千玉妃羽衣鶴帔集瑤池俯視下方粲一喙
剪水刻花爭出奇忍寒索句徒自苦萬象偕我遭控持
明朝雪收鵲亦喜郵筒到眼還新詩

帥寄詩再次韻

才力高下岐雲泥龜鏡國老乳臭兒紛紛過眼敗人意
棘端覓侯毛不皮江西久無金華伯平水未識元微之
府公牙頰著天籟吮漱漢武鳴咸池江城婁雪傳新作
梁園賦客讓瓌奇振兩文忠舊號令赤手破敵無所持
小人拜賜但袖手匪報未辦瑤華詩

攜襄陽詩卷示子孫再次韻

還家未澣衣袂泥聚首笑語環孫兒挽鬚倒褚問所得
疇昌定續陸與皮小子情話吾所師指瑜摘瑕切中之

謂公傑作含古意白月在天影在池阿翁曩曩十駕足
故步雖在欠新奇向者護前今不爾自呼罰爵為汝持
與問潮乎柰吾老亦喜商也能言詩

小人再次韻 是日得程帥詩筒

歸擔乍弛誰洗泥史君載酒攜歌兒小家捲褥當酒負
醉倒一笑眠虎皮平生自審枯槁甚高情顧肯振拂之
均州從事六輩來歡喜如官浴鳳池詩筒偕拜府公賜
格律高古語崛奇頭風失去肺渴減病夫雖病容枝持
南山側望潔齋久知我日誦無生詩

寄程安撫

離襄陽始冒雨中塗大雪間關淒楚已甚然奇觀亦良快人車中讀程詩卷作

空蒸與對人亦且寄之

歸袖翩翩去誰禦篝燈熒熒翳復吐取道言從草市西
問津更訪脩竹塢殘夢歛過均州山殺更尚數襄陽鼓
盜盜屯雲連遠袖剪剪北風斜細雨袖手縮頸寒可勝
美殺昨宵宿僧宇伏龍一炊隨分飽小市居民無醢脯
孔明棲遯此其地有廟纔餘十里所側望縛足欠一往
不得持盃弔忠甫鹿門三峴率如此何者不為積陰阻
行行野香間幽艷晤對未用嗟無侶櫟林森疎陂淥淨

江梅水仙爭媚媿殿秋迎臘太早計花神今歲良誇詡
黃堂交筆爲爾吟題品再三猶記不天涯驟作懸麻執
但聽人家擁爐語寂寂關門喚不磨青錢可能沾重糈
奪煬爭席吾敢校定知楚俗輕羈旅土風人情管頭好
不比陽河輒相遙饋漿亦有白首翁束蘊乃得青裘女
推枕每被荒鷄催捉鞭動與寒鴈伍東村西里無乾地
上山下山泥濺股隸斯任輦起復僵登頓連朝吾愧汝
空荒頗怪人迹絕撩亂俄驚雪花舞攪絮鋪鹽疑變幻
寒壑漫山太熒侮瀰漫六幕眩明滅夢禾兩間迷仰俯
山川映帶巧裝鏤林藪爛斑幾纂組麋鹿決驟烏鳥駭
頡頏獵夫布置罟脚毛胷羽不遺力割鮮倒甌供快茹
人間壯觀今創見城市蔽虧無此覩跨驢索句信能事
還憶詞壇有盟主風雲月露溢細素膏馥芳鮮存肺腑
大筆軒軒軋時傑新篇袞袞流樂府擊節長哦風爲傳
吮漱天籟含宮羽雪神風師底頽面解渠嚴冷聊夸與
霧掃天開一彈指燭龍揚輝上瓊圃勞動愜快初不意
倏忽起滅嗟如許及茲追悔前兩日浪喑萍蓬悲兕虎
穀城重到昔所安令君存舊猶比數黃昏剝啄門爲啓

盤臥肥羊榼佳醕他時回首追陳迹可無甲子記毫楮
歲乘赤地月就盈中澣之後厥壬午

贈安道士 道士能琴亦吟詩

吳均傳世皆妙語善昇乃近崔遵度絲桐造妙詩疑神

古來多屬方外人羨君矯矯雲山客子墨桐君生莫逆

此人此藝吾了然錦囊傑句多時賢月斧雲斤且遊戲

纏聲鹿鳴莫經意古人進藝道與俱如君不應古與殊

謁帝行如稷丘子莫設爪芋嗤侯喜

江湖長翁文集卷之八終

江湖長翁文集目錄

宋高郵陳造唐卿撰

明仁和李之藻振之校

九卷

七言古詩

程帥以古人名作詩見寄擬作謝之

暗用古人名詩寄程帥

次韻張秀才題汪叔量挹秀亭二首

次韻鍾汝楫二首 長句簡諸公

愛笋

次趙判院韻

出郭二首

次韻張秀才

望夫山

檢旱宿香雲

田家嘆

謝翟元卿詩卷見投

題蕪湖雄觀亭

張秀才枕屏

謝朱宰借船

墨梅魚扇寄孫成甫

從王守獵

散解廟行

粉水行

田家謠

鹿鳴燕一首又次韻送胡省元一首

次韻許節推喜雪

謝襄陽陶宰惠靖節先生編年大本

題識山堂

次韻高殿撰題東山

次韻徐監獄四首

再次韻呈林子長郎中二首

正月晦步西湖

再次前韻呈林郎中五首

徐南卿招飲

再次來字韻三首

再次林郎中韻

十卷

七言古詩

贈王仲和架閣

次韻林郎中龔宗簿四首

次兒輩喜雨韻呈太守 次韻寄楊宰二首

贈臧汝舟次韻 次韻楊宰花石綱二首

次韻解禹玉二首 次韻楊宰食蟹

送羊侯因簡崔帥 次韻張守垂紅小駐

再分韻得花字 贈趙子野

贈劉行甫 次韻趙子野贈別

送曹器遠從使虜 送二趙金陵秋闈之行

送劉常父秋試兼簡行父

題六么後

陳伯固史君禱雨得雪爲作

次韻楊宰 送赴省七子

石湖兩帖還李推官 陳學正惠詩酬以長句

陳學正孫學錄有詩復次韻

戲作

次陳侔同年瓊露酒詩韻

題高夢錫指牛圖

次朱必先與師是唱酬韻二首

客以詩為東園飲不果次其韻二首

雨未止再次前韻二首

次高賓王餞徐南卿韻 贈畫士龔子

呈趙帥

卷之十目錄終

江湖長翁文集卷之九

七言古詩

程帥以古人名作詩見寄擬作謝之

胸次不平當近酒熱官奮揚肯回首即今羊杜詩中仙

襄陽城中獅子吼我將仲子趨黃堂孰看畢戰舉旌幢

筆秦曰筆楚曰畢吳曰不律抗顏路塵旋行役但有菟夢公之傍瀕

海作宰我漫仕留贊郡符真左計老夫已老子白丁解

願與言遊戲事駢羅隱服芙蓉裳設張翰墨當絲簧敢

向青山簡奇勝有田肯賣吾倒囊如公端合穆王度不

江浦長翁文集卷之九
新尚作歸田語蓬萊朱金久已齊還許遠來結鄰否
鳳興暗用古人名詩寄程帥
羨公椽筆銜陽秋黃鍾大呂豪端收省闈高掇未足道
文章老手第一流轆轤玄譚已驚衆倒河翻瀾駭飛動
遞中筒詩陸續來舊債未償新債重卽今搦管重犯嚴
強顏回顧口如箝更驅行李伸此情句法政用公鐫劂

次韻張秀才題汪叔量挹秀亭

清江如玦山如環主人胸次自江山寰中秀氣困豪取
著亭杳靄空濛間碧浪明邊帆影遠暖風香裏林花晚

市聲隱地了不聞貪看霏煙抹層巘青山隱吏鬚已霜
帶寬未用憐東陽每來亭上小箕踞傲睨山色挹江光
一樽從君多暇日更誦清詩綠人髮絕勝九衢塵霧中
金印纍纍客牢石

再次韻

清遊如省隔世環身繫組綬心溪山此亭攫踞山水上
羨君脫屣塵埃間不應室邇嗟人遠時上風煙慰衰晚
况如坐我天姥傍長嘯持杯揖雲巘張侯清吟句挾霜
肯因聞笛賦山陽空青染袂醉顏玉笑人簿領閱流光

誅茅結鄰約他日會映軒窗晞禿髮徑從兩君賦歸來
何須官滿六百石

美其次韻鍾汝楫

鍾郎耐暑如被酒亦復不閑讀書口胸中莫可渚涯窺
筆下時作蛟龍吼老夫瞠若終後塵兒子徒勞汗流走
中年眼見花養痾肘生柳漂然振我衰懦氣此士此詩
今僅有亦思琢句與周旋強敵當前難措手
帶賞再次韻示師文
中年多病剛制酒文字譏評慵掛口克家尚須獅子子

時踞風林一哮吼藏山有書當衣鉢端能太史牛馬走
之齊莫操筭名楚要穿柳未聞狗監薦子虛聊遣吳王
質非有獨無鼓吹虞乃公勝日不應長袖手

長句簡諸公

縣圃醱醱小宴病不及賞復同賞家圃芍藥作此

君家開宴爲醱醱竹聲裂石絃鞞雷我家芍藥繼如許
如解商量先後開深紅妍白各媚嫵瓊肌玉骨

瓊赤玉出廣韻

無纖埃日高未覺睡態足風定亦送龍香來素艷壓架
頰欲雨粧面臥叢羞未擡邢娥微服屏粉黛衆女望影
慙莫陪真妃嬌泥午酒困紅潮作暈回香腮春到陋邑

好花少鬱鬱高柳間古槐濃李淺桃不入眼菖條杏葉

何有哉喜如足音賞魏紫前日看牡丹愁寄驛使邀江梅殘

春索寞風絮亂有此二物生庭隈維揚金腰可伯仲閩

南素馨但輿臺倚煙娉盈復妖嫵等閑力挽春光回東

皇有情花有意似欲我輩倒玉壘君家賞花我方病憶

花有恨空成堆我家花開病適愈對花發興知難裁簿

領困人日作惡玉山猛判花前頽及今樂事須秉燭風

狂雨橫誰能猜要索林未開蘇子瞻黃吳王

御製愛筍一筆把燕山官書富文柱滋前太史平馮表

犀非犀玉非玉拂拂輕霜浮脆綠披籜含梢欲成竹娟

娟裏裏森可束稀間只稱佳月照勁處嗟耐清風觸少

忍充庖得補林主人為目不為腹論材似也子勝人終

竟鼻祖與膏馥官閑盡日據胡床樂與此君同避俗冷

笑京華癡少年枉費千金買花木世哭不心笑管是

次趙判院韻

趙射弓損指有詩欲林教授出寵於某甚見推避次其韻

公詩見壓楚服隨孤軍懾怯逢荆尸將壇已辦降旗送

顧乃借重如等夷文工武習知餘事腰箭臂弓聊寓意

僕姑不作餓鴟鳴策策鮫人珠迸淚巧匠血指非意及

江油長翁文集 卷之九
微恙未須湯熨治蟹螯置把地臥影生世多才古爲累
誰家酒好花打圍今日人閑柳生臂不妨惡客着坐隅
身側獨醒心解醉

出郭

寒食日迺使車初甚怙
悵郊外春色慰人戲成

江縣居人寒食下少在縣中多在野哭聲不似笑聲長
麗服新粧盡遊者長郊芳草接天綠我亦行行策罷馬
盍簪命醉豈不懷卑官出入元無假偶來却勝特來好
觸處春光可圖画幾日陰寒風用壯今朝霽景天所借
趁人胡蝶作團蜚逐婦鳴鳩數聲罷天桃艷杏雖已過

郁李金沙猶未謝其餘紅白爭姱媿醉態啼粧各蕭酒
顰風笑露頰欲語半吐梨花最閑雅游人幾許健倒去
紅粉誰家短墻亞良辰獨醒還自惜捐佩一樽猶可貰
餅盤錫筋已寒盟故人應問花應訝對春長作了事癡
不念清權本無價會當從公謝不敏百罰深杯不辭把
魏花有約待人歸秉燭疇春期後夜

再次韻

對花不領幾柳下以詩自苦如東野今年陡覺負芳時
狎興蕭條殊曩者西湖南園恍入夢漫道尻輪神作馬

可堪山鳥勸歸去擬爲尊羹乞長假十分銷瘦空自憐
一段閑愁倩誰画春光只比東逝波堂堂去意那能借
青梅崖蜜倏登俎襖板鞦韆仍復罷感君妙句慰岑寂
欲挽清驩付衰謝光風搖搖壓輕暑亭榭况經微雨洒
徑煩麴蘖寬懷抱未用文章繼風雅翻階芍藥醉面欵
壓架醱醲香蓓亞江城日有問字人酒不論錢更須貫
君今賴以主人賢我亦不憂官長訝鶯花好處醉爲鄉
與君平日俱聲價旗亭市樓故鄉約歲晚會須茅一把
客中一笑且追陪飲勿言歸當卜夜

江湖長翁文集

度平楚

時見碧溜淨梅花胡蝶遶遶恐非夢乾背角角營其家
哦君新詩念鄉國鴈字一行天際斜

望夫山

亭亭碧山椒依約凝黛立何年蕩子婦登此望行役君
行斷音信妾恨無終極堅誠不磨滅化作山上石煙悲
復雲慘髣髴見精魄野花徒自好江月爲誰白亦知江
南與江北紅樓無處無傾國妾身爲石良不惜君心爲

可堪山鳥勸歸去擬爲尊羹乞長假十分銷瘦空自憐
一段閑愁倩誰画春光只比東逝波堂堂去意那能借
青梅崖蜜倏登俎襖板鞦韆仍復罷感君妙句慰岑寂
欲挽清驩付衰謝光風搖搖壓輕暑亭榭况經微雨洒
徑煩麴蘖寬懷抱未用文章繼風雅翻階芍藥醉面欬
壓架醱醪香蓓亞江城日有問字人酒不論錢更須貫
君今賴以主人賢我亦不憂官長訝鶯花好處醉爲鄉
與君平日俱聲價旗亭市樓故鄉約歲晚會須茅一把
客中一笑且追陪飲勿言歸當卜夜

次韻張秀才

風前病眼如挾沙蕭蕭兩鬢吹蒼華翩然一馬度平楚
時見碧溜浮梅花胡蝶蘧蘧恐非夢乾鵲角角營其家
哦君新詩念鄉國鴈字一行天際斜

望夫山

亭亭碧山椒依約凝黛立何年蕩子婦登此望行役君
行斷音信妾恨無終極堅誠不磨滅化作山上石煙悲
復雲慘髣髴見精魄野花徒自好江月爲誰白亦知江
南與江北紅樓無處無傾國妾身爲石良不惜君心爲

江湖長翁文集
卷之九
石那可得

檢旱宿香雲

香雲之山瞰平楚松篁路窮得僧宇明窻深室皆嚴靚
白菊紅渠相媚嫵它日欲來坐忙迫此行忽忽寧得所
蒲團憇定飯秋蔬衣袂黃塵尚如許山僧共話豈須禪
但愛茶甌如潑乳投床有夢不能記忽聽風林如過雨
鷄聲不貸擁被溫又控罷驂陵險阻出門便覺仙凡隔
猶聞窳堵風鈴語今年旱暵遂無年枵腹顙天連保伍
頗能念我困馳驅兩兩致詞相勞苦但使秋租毋病汝

吾自卑官慣塵土

田家嘆

秧欲雨麥欲晴補創割肉望兩孰家家昂首心征營一
月晴半月陰宜晴宜雨不俱得望歲未免勞此心

謝翟元卿詩卷見投

從君只比羊胛熟得詩已可牛腰束誰言此老四壁立
襍積錦繡羅羣玉晨興諷誦莫編綴未覺饑雷隱枵腹
我生嗜學類貪夫婪酣欲訴南山竹詩人到眼輒自慰
句法得君今意足向來玄鑰笑談啓大勝幾年膏火讀

江油長集卷之九
七
駸駸警我欲川增前之汗漫今邊幅頗嗟詩客千鈞筆
不博長安一囊粟人不求君君不卽高臥窮鄉數椽屋
苦無好事問奇字寂寞寒庖供苜蓿長篇短韻寫不平
日使貧交得驪目握瑜不價自應爾有底汲汲須圓曲
我有鳴夷繫短轅持澆胸中三萬軸尚恨不作多田翁
秔糯分君歲千斛宜雨不具野望未與此心

蘇軾題蕪湖雄觀亭詩
內望兩博采泉景首以孤營一

大江來東南旁受衆壑輸下驛峽門窄積水陡下百尺
餘勢如千鼓賊萬馬闐闐嚙感崩騰排軋爭危塗嶮礮
賴是作齟齬不然頽沙裂岸寧復通舳艫霜晴似揭天
兩鏡瞥眼浪濤相吞屠不知河伯窟宅託何所只應蛟
鱷跋扈無寧居陰晴明晦何限景付與沙鷗浦鷺綸竿
夫令君作亭攬其要豁然眼界了江湖我昔暫登覽詩
瓢仍酒壺寒聲隱隱撼窻戶綠霧噴巖擅曉晡吳檣楚
柁亂秋葉蜚山湧雪畧座隅淮山千髻更在洪濤外昏
煙淡日時有無昆陽勝負等蠻觸魏中之梁直錙銖人
生紅塵中局縮轅下駒安得李成王宰不死俱在眼水
墨揮洒丹青摹江山千里入卷軸從此不數玄圃崑崙

圖畫世共賞摹寫山十里入余懷於此不嫌遠同真畫

坐臥張秀才枕屏不勝其苦辛王宰不與財本思本

寒風慘澹森木古羣鴉無人自翔舞重山積水幾里所

稍見孤舟渺煙雨意吞洞庭卓天姥短屏數幅渠能許

何時去作湖山主還喚詩翁來着語

夫令謝朱宰借船宰為蕪湖予官繁昌

書生祿邀空自憐三年官滿囊無錢身如絆驥心千里

安得一舸西風前令君磊落濟川手留滯亦憐窮獨叟

大舟百尺影白虹借我般家我何有函牛之鼎著鷄肋

涓滴渠須瓠五石劣留兩席寘圖書輦石囊沙壓搖兀

典衣買酒餉三老槌鼓鳴鑼人看好相過重讀借船帖

我自盧胡君絕倒自繁昌歸先經于湖

墨梅魚扇寄孫成甫

都城六月難為客暑炊火山不餘息從人輒博襍穢噴

假館翁家得休適髯翁困積胸中奇對客清談霰雪飛

扇材寄似亦安用聊代玉麈談間揮須知寒夜水花影

著子駢枝可調鼎濠梁之樂物我融翁自欣然渠不領

向來槃礴非畫工象外析理翁則同少酬他日清涼惠

知我夢依君子風
生世能忘塵外趣
官居定作車中婦
男兒胸次萬斛寬
不著塵埃著詩酒
虎頭起秀屹雙高
層城更是千青霄
使君領客凌縹緲
天風颯颯搖旌旄
吳橋魯山青未了
眇視平淮衣帶繞
艷歌濃笑碧雲深
聲下人間却驚鳥
不妨卷障下煙霏
翠袖紅粧旋打圍
杯行飛瀑亂歌吹
蜚霧暗香俱在衣
詩翁得興飛綵筆
銅丸脫手初無迹
酒酣登車接羸倒
馬上梁州霜月白

散解廟行

巨靈揮斧山爲拆
谿舂飛出寒溪碧
南西北視皆戶家
種秧插稻供衣食
此水不枯歲不饑
此溪不涸龍是司
森木古屋龍所宅
人家望歲如取攜
笳簫嗚嗚坎坎鼓
秋報春祈從父祖
鷄豚肥膾社酒香
擊跪曲拳誰敢侮
年時雩禱嗟徒勤
適龍睡孰喚不聞
溪心蒿艾化埃塏
可怪嘉穀遭倏焚
千溝萬澮分飛瀑
面露搖風際天綠
懷寶睡足龍亦驚
鴈門之踦此焉復
安得溪水長滂浪
龍不忸怩民樂康
向來野草填飢腸
怨氣括作願下囊

散解溪紆福溪直兩山空中瀉清激瀦渟壅建幾千家
邀入中田作膏液餘流復合古城東末世尚奏鉛華功
定名粉水自誰始水神有靈當熱中去年龜紋布溪底
房民倒垂憂死徙今年活活夜繼晨淥漲稻禾三百里
此溪今昨殊虧盈郡民卽溪岐死生天設地施禹疏鑿
世人盍亦求其情古來名實爲賓主兩溪厚農非小補
但令旄孺無飢羸安用女子相夸詡南西北財皆可采

田家謠

麥上場蠶出筐此時祇有田家忙半月天晴一夜雨前
日麥地皆青秧陰晴隨意古難得婦後夫先各努力倏
涼驟暖繭易蛾大婦絡絲中婦織中婦輟閑事鈿華不
比大婦能憂家飯熟何曾趁時喫辛苦僅得蠶事畢小
婦初嫁當少寬令伴阿姑頑房謂嬉爲頑過日明年願得如
今年剩貯二麥饒絲綿小婦莫辭擔上肩却放大婦常
姑前

當日鹿鳴燕

亂山森立圍古房重碧疊青天與長鍾奇孕秀爲雋良

有如六子爭軒昂胸次襞積雲錦章漢之晁董唐常楊
當日折衝陣堂堂尺筮不折築受降 皇上顙俊奄帝
王士孟其晉如康莊卽今勸駕觀國光接翼便合鴛鷺
行後先差池似未妨一夔自足開天荒五大次第趨巖
廊懷寶判閱三星霜一盃首餞江夏黃一詩竊比振履
商功名逼人未易量坐來相映眉間黃誰遣大宅浮春
陽他年朝路偕翱翔惟南有斗耿昊蒼一字定寄漁樵
鄉老子善誦君巨忘詞意古雅非款款大夫各答其詞
來土次前韻送胡省元
南宮嚴嚴各分房過眼千牘春晝長憂憂百楛收一良
主司忝累作低昂黃道湛碧誰爲章胡郎筆勢傲長楊
掉臂舊升賈馬堂自讀君文此心降看寫帝伯仍皇王
諸公盍誦頽爲莊射策便近果天子光一鳴坐瘖千駟
行騰陵絕澗略不妨我昔塗抹策寒荒囊筆亦解趨東
廊一官蹭蹬鬢頽霜桑榆聊落師陳黃逐逐一飽隨工
商才無它奇堪斗量放君綠鬢便銀黃功名若木昇朝
陽鵬鵬舉翮雲路翔腰印纍金玉佩蒼功成晝繡歸鄭
鄉車笠舊誓無相忘

次韻許節推喜雪

雪後緘詩送春燠何異祠壇起祇肅吟哦三嘆思荅報
幾欲揮毫紙隨縮多聞實藉益者三敬客不啻需之六
別君方看月絃下及門僅比羊胛熟前時爲雪謁仙佛
俯偃叩神如問卜陰陽妙由帝把握寅亮傍賴公廸篤
死生休戚繫兩賜此柄不輕果誰屬天公欠雪如負券
得之無庸計遲速盈尺告功遽放晴孰謂十寒財一暴
念子詩愁替酒狂許云途中不濡唇幾日風飭仍露宿想見晨
窻誤月明催汲溪泉煮山軟雲際羣峯駁粉繪日下衆

壑淙哀玉我雖越俎政無補猶飽官饗住官屋不嗟破
履印遺趾更免長鑱斲黃獨剥啄或肯送尺書傾箱中
有麋鹿肉遙知合圍罾蹄角驚奔窘怖徹毛骨放麕獸
羹未憇然老子平生蔬茹足瓶中療飢餘白粲甕裏度
寒仍旨蓄隱几日日面南山捉筆時時瀉懸瀑但有赤
脚侍玉川分無散花問金粟春前三白盛世瑞幸此迂
愚寬譴逐朝來徙倚觀稼上宿麥泛煙青極目眺天之
功敢僥罪含生有自如其欲寒梅嫵媚糝更新弱柳龍
聰眉上感風日清妍近試燈載路已聽歌鼓腹不辭三

夜同此樂瓮蟻妓衣預催趣濃歡共貸家山夢小隊重
按年時曲仕逢歲稔信可喜人任天真或爲福長翁一
世文字餘可是營生有機軸徑來同作醉鄉遊聚散回

頭車轉轂

觀稼房陵亭名
予三月卽替云

謝襄陽陶宰惠靖節先生編年大本

陶翁清節人可追陶詩妙處吾所師百篇昭昭揭日月
行雲流水無定姿顛倒後前昧甲子可忍白璧猶小疵
三家紀述互躋駁千載傳授仍參差遠孫挺立翁不死
吏隱平挹鄉里兒空洞胸襟著今古遺編訂正當屬誰

抉微擿隱究茫昧別白蒼黑分毫釐翁拔俗心詩其寓
彼未易識此則遺幽意隱義眼中了筆端有口今見之
細書大字肯及我故人嘉惠良不貲摩杪老眼屏湯熨
歛訝毛孔生涼颺歸裝不憂更空匱招隱正用寬衰遲
世間報施有厚薄自顧壁立謀晨炊心期炯炯共一月
未妨相望天之涯

題識山堂

物之或睽九牛毛理有適契鶴鳴臯對山眩旋目無主
山靈定笑山不遭廬阜姿態杳莫狀煙容嵐影翻海濤

德人眼力了天巧離朱眸睨難形逃高堂面執踞縹緲
曠度灑落遺塵勞萬巧千奇領定體如闖闖闖挹同袍
要須槃礴煩画史正自指顧分秋毫聞道樽壘富賓從
至今卷軸餘風騷我登斯堂惜遲暮仙翁已躡海上鰲
橫前三萬八千丈天台信美非其曹崩騰恍駭失要領
窺覘歷覽首屢搔先生翳鸞驂紫鳳想後韓衆前盧敖
白玉之童手碧桃雙成智瓊各雲璈神遊未置茲山遨
徙倚悵望吾鬱陶塵中局束真狴牢但覺德人山與高
次韻高殿撰題東山

廬山佳處雲英英鶴歸誰識丁佐卿東林遺址倏興廢
未害諸老傳清名向來杖屨孰遊歷猿鳥近人漚不驚
樂天本願祇兜率思邈不忘聽化城一從棘位復帥闡
晉酌白獸懸旄旌先生本自遠公葦夢繫蓮社松竹行
卽今上品已補處妙句留並山崢嶸未下飲光領一笑
曾是圓澤論三生何人著語嗣絕響浪許伯起新有聲
尚憶詩翁運椽筆坐排九派咸東傾

次韻徐監獄四首

文字挽回正始音如君豈合安家林干祿不作次且歎

讀書方競分寸陰斯人與室幸孔邇有底尋丈能汲深
兩詩竟得摩老眼尉我饑渴他年心

落落過眼誰知音故山檜枝森碧林白鷗盟堅不待歛
豈應辟影忘息陰末路功名夢已斷生平丘壑情自深
素琴濁酒槃礴地頗領淵明千載心

湖間波聲環珮音湖上遊子紛如林坐窻日夢舊遊處
屯雲重霧專積陰淒風剝香梅塢滑輕煙暝翠松行深
画船載酒年少事老不耐閑猶此心
抱枝山鳥雖好音未放紅糝黏青林東風一掃寒雨盡

羲馭明晦雲移陰澄嶺熹晴亂屏合漣漪湛淥半篙深
翩僊舟子得我美笑傲山影眠波心

再次韻呈林子長郎中二首

林淳熙丁酉爲當塗
教官予尉繁昌攝事

郡中館于泮宮相與款密再見行
都俛仰道舊作此呈似且謝見觴

諸生吾伊鶯燕音憶嘗客我詩書林交期離合悼今昔
官路漂泊費光陰故人恩意歌酒款省郎香霧簾櫳深
二十四年一笑適可待車笠論初心

三歎熟君朱絃音可但文價高儒林課聞安仁最花縣
車想召伯駐棠陰詩壇自昔隱一敵意匠超忽陵高深

補袞活國要次第向來子牟魏闕心

三
正月晦步西湖小憇市樓

鼓腹不詫金石音吟步竹塢俄梅林方愛羣鷺漾清泚
忽聽一鴻啼晏陰野飯不妨隨分飽盃酒却憶向來深

明朝晴雨恐未卜漚鷺盟寒空復心

諸公約再遊

再次前韻呈林郎中五首

清詩似奏韶樂音林侯宿世孤山林疎雲時漏涼月影
雛鳳獨嘯脩竹陰金華后山儼在目非子誰復鈞其深
掩卷炷香三歎息向來望若空潛心

坎流行止忌株守敢薄紳笏高山林平時交期車合轍
回首夷路鶴鳴陰窮鳥低摧客吟苦九虎耽視天門深
南道主人推轂手賴君未遣灰吾心

儀圖登俊煩玉音何人望傾英俊林比喜諸公挽此傑
正復寶鼎薦汾陰楚珩趙璧希代寶丹地紫閣五雲深
論思調虞要無迹安用夫人知格心

一書僅達缺嗣音蔀屋有夢定山林賢者卽今在王所
陳人不憂老墻陰或容連茹鴛鷺後聞道結知君相深
時遣吳妹近酒盞更防蜀鳥搖歸心

郎中出侑觴者仍戒以客中小耐

春皇報人如寄音紫燕窺簾鶯遶林于時不無客欣戚
此意正繫天晴陰傍湖樓影酒旗直到眼人家花霧深
老子猶醒尚此興歸時參昴橫天心

徐南卿招飯

徐郎陋巷四立壁乘間亦戒賓友食慈親衰鬢不供剪
定賣春衣典書冊念君治具良騷騷與渠侵早來得得
小樓十客不餘地猶勝陶翁劣容膝江西米粳絲作窩
吳國香秔玉爲粒嗣宗阿戎各好士笑頡羹鄙仍婦德
老子旅寓得此飽勃鬱詩情啄三尺出門未妨雨墊巾

萬屐聲中緩歸策

人再次韻

東隣客來每堅壁西鄰客來常蓐食旅中一飽豈細故
偕舉大事書之冊末路孜孜食眠計外此敢忘戒在得
蘇端向我顏色好衝雨不辭泥沒膝居貧頗禁惡客惱
念子秤薪仍數粒肺可用禰米可餅併付饑僮飽君德
人謂裁詩等裁錦拙婦渠能把刀尺陶翁宜報苦未賡
搜攬肝腸閑倚策

白晝再次韻

白晝曲肱脫東壁鷓斯空復賊糧食晚途自笑硯生埃
少日頗嘗韋串冊生世恐隨草木腐忍使功言兩無得
長安寧無翕施者自疑有鐵關腰膝樂天任運時近酒
子房逃榮猶却粒求窮我者迄未知夫此誰怨夫誰德
擬訪鶯花豁襟抱門外雨餘泥一尺山陰不待興盡回
掠面東風寒策策

再次韻謝徐監嶽惠和章

若人胸中着奎壁落筆似不煙火食平生著述奏奇勳
玉綴珠編今幾冊定知前輩與爭驅抑使衰翁飽新得
涎頰十駕終後塵坐看康莊驟齧膝陶猗廩庾詫陳腐
小家瓶壘不餘粒清詩屬我猥見予祇遣心顏賸慙德
條枚拱把竟何取挺拔蒼松二千尺政恐血指匠石前
袖手觀傍猶上策

再次林郎中韻

幾年塊處斷足音日詠楚些歌常林朋知久矣張邴我
矻矻抱甕如漢陰末路面顏殊自笑故人情義無與深
桑榆可收倚君重表表玉立行班心

桑榆河外尚存重未去王文作之

海海外驚吹烟劍水湖西敵熱日笑姑人靜奉無與君

幾手與與酒只音日籍焚也二烟常林風吹人笑盡

再穴林洞中題

酥手與與酒上策

新林野味可與共林香林二千只如恐血計出可前

小寒飛壘不銷絲青信圖非野具早添並山賊獵恐

江湖長翁文集卷之九終

江湖長翁文集卷之十

贈七言古詩

贈王仲和架閣

王招飲小姬十輩執樂甚閑予以王之才語能辨又疑其天降地賜也徐乃知皆其妹所有再訪之去已久矣為賦古詩

朱樓窻屏楊柳烟樓中香霧浮龍涎眩旋客眼錦繡筵

鬧花打圍妖且妍小蓓稚萼紅玉鮮酒行急管雜繁絃

羯鼓催開裏風蓮橫笛未放蛟鼉眠老子判醉忘華顛

歸去就枕疑針氈但有夢語追遊仙芳訊忽聽青翼傳

翠鸞彩雲歛漂翩縹緲三十六洞天水佩風裳若箇邊

重來朱樓柳吹綿樓中主人卓詩肩滄處士茗安僧禪
兀坐向我俱可憐君才時彥孰後先宦路已著祖生鞭
富貴取攜故有然列屋指見羅嬋娟老子賢否真天淵
蕙蘭香中錦瑟前觴詠或可君周旋

次韻林郎中龔宗簿

散人擁書茅屋底祇合下澤居鄉里浪指青冥期策足
端復滄浪規洗耳林侯坐分韓席半龔侯天才寧習慣
瓢酌天漿黍紫傍峩峩貝闕連蜚觀名位顧肯卑微休
兩傑未易今世求老子志願一丘壑鷓鴣彼此逍遙遊
清篇駢來真好在誰云物理莫兩大捧心血指不得辭
門外長須翹足待

再次韻寄林郎中

林侯理窟元無底如拜宣尼親闕里經笥沈醇文筆古
俯視時流皆口耳我生憂虞占多半鼈跛夔屈今已慣
林侯尚抗倉庾塵盍胡嘗作不二觀相魯君小公儀休
從政顧自愧由求崧高蒸民有吉甫飄風浪欲歌來游
索米惜不畱行在坐論看君皆五大樵謳或配鼎彝書
衰翁縱衰猶可待

江漢長翁文集卷之十一
次韻呈林子長郎中龔養正寺簿

荒學蹄涔易窺底祿邀不應來帝里昧爲此役君定笑
當念平生意行耳過耳毀譽紛相半曳裾袖刺何嘗慣
餬口未忘丐斗升投閑正須問祠觀歸雲倦鳥且罷休
鏡中頭顱盍反求小兒能耕婦能餉老子卒歲良優游
石友青雲兩君在肺肝傾倒不自大還家猶可詫里閭
渠儂祇博白眼待

再次韻林郎中

醉鄉陶然真我底落世曹作魚千里頗思溪風鳴檜枝

一洗半生市聲耳帝城春月雨強半躡屐衝泥今已慣
湖瑩冰奩濤湧山回思向來領奇觀角角倦鵲語未休
晚鳩饒舌如有求明朝定可載酒去攜兒一爲湖上游
湖西羣艷雖無在宿雲掃空天宇大蹇吾健倒趨早歸
醉尉未須嗔目待
次兒輩喜雨韻呈大守

老子簞食師顏淵憂世不合居民先今年不雨春破夏
惴惕亦復針氈然嗟嗟五月河無水溫飽之望疑已已
一雨滂浪彌夜旦龍伯至仁端起死國史未用書旱雩

人神幽顯修交孚老子一飽危不給恩私仰戴君大夫
君恩如天不遺物龍伯豈應甘夔屈史君况自龍之友
偕兒同依趙卿日夏廿不令豈刃式今平不雨春好夏

再次韻寄楊宰呈大守

小家作活魚脫淵凶歉之備渠能先勞動頗似抱甕叟
安得心數如計然人方渴羗欲活水龍公睡足那容已
怒捲淮江作飛雨旱魃潛藏蝗蝻死令君丘禱亦魯雩
天心默隨人意孚百里旄倪歌載塗我亦飽飯竟潛夫
今君豈復池中物中年墨綬人稱屈高郎小邑徑刺史

老子賀書當不日

余亦史君有詩復次韻

詩播樂職聞子淵貴耳底用泥古先吾宗史君當世賢
援今輩古敢間然祖武孫謀有源水功名濟美方未已
卽今朝野屬望深簡齋仙人真不死詩律欲並元劉驅
郡政坐使豚魚孚編輯妙製紀殊績瘖不措手吾非夫
壯歲毫端有神物才與年衰此心屈伸紙索句頗強顏
漫把清明譽天日此心雖然古共本與物六國
詩人贈臧汝舟次韻

昔人得珠沒濤淵悟後悚惕悔厥先世間萬事無真是
辯口莫究然不然此心疑然古井水與俗方圓寧得已
紋楸亦有進道機介視勝負齊生死臧子多智守已愚
能事不蓋已日孚南風覆舟後詐狙義戰得雋逾老夫
閑中敗意防俗物喜君相過不待屈此樂政令兒輩知
閱口無庸譏渴日此左濟此右精此水世此谷衛此美衣此未且
齒此次韻楊宰花石綱遺石此古夫此晉宗此史故此當世此賢
令君藻翰輩古先脫口一可樂石刊盡令珥筆草大冊
底用韻語談槐安一詩爲弔湖邊石深感崇寧全盛日

玉燭叶和黃道明天扶休運非人力豐碑端合頌虞周
遠來近悅絕歎愁有君無臣古所恨殲佞嬉笑乘膠舟
鳩心飴口諛下聖主漕石移花開南土玲瓏蒼石中路
棄不見姦儉歐刀死此心安得此石頑感物抱恨甘終
天平日志願裹馬革杖扶鬻茹吾衰年

題司再次韻楊宰

君不見奇章平生石解頰有得甲乙勞鐫刊又不見衛
公平泉嚴作戒要與山岳爭完安衽席杯盤易沈溺可
無雅好嬉過日生須玩物不流物負山暇問誰有力此

石擯棄歲幾周幾人摩抄動詩愁不妨野鳥印爪跡曾
是画鷁明方舟奇嗜豈必真無取尤物未可輕糞土二
公真情不激詭靜對孱顏堪樂死揆予骯髒如石頑一
跌叵復能朝天石默不言詩爲宣正用吟玩忘吾年

次韻解禹玉

解作詩亦工於画詩則屢觀矣諸公
多得其画予獨不見與故詩中及之

夫君官職雖西班夫君不獨師孔顏画手人言逼曹霸
詩力自詭追子山對客每遊庖丁刃得興笑解齊女環
槃礴羸前筆未落競病韻險思不慳掀髯掃出山河影
就醉或放風月閑我亦平生弄翰墨諸公頗置齒頰間

側身南望常仰高肯交下風俄二毛京口市樓聽度曲
廣陵帥席陪揮毫悲吟自作夜虫響絕唱傍羨秋鷹豪
虛孰高名擅顧陸僅識妙思陵莊騷金阜老仙憲文武
醴筵繼日喚我曹銀臺吐酸眩金翠繡帷護煖聞蘭膏
挈挈去尋樵牧盟貸我抗俗慙山靈風流雲散有悲喑
目前赤脚仍樵青府公忽駕西蜚鷁言訪劔閣摹舊銘
女媧青泥萬山外爭突雲日寒崢嶸前懽弦斷更容續
一紙寄意良未能向者望望君不來談舌攢棘胸填埃
叩門剥啄粲一笑灑然一洗衰病懷新詩絕妙不我靳

笑口忽復緣君開驥足爭先真老矣屠門大嚼亦快哉
但令石交不遐棄此外擾擾付一哈幾時攜將好東絹

倩卷吳中山水回寒雲日爽朝來前對海山容

目前贈解禹玉

解將家子以文字取世知予望之以致遠而老夫書癡爲可戒故復取前韻作

詩進

詩進

讀書祇博雙鬢斑詩好豈解留朱顏平時無客憐轍鮒
觸處有人嘲飯山相府略嘗喚宜祿木門不夢窺銅環
多病但結藥裹伴得酒間發詩囊慳頻頻終慊鷓斯飽
浩蕩擬逐江鷗閑未死更費屐幾兩此生祇欠茅三間

方營巢未竟

丁年悔不全吾高正坐枵腹守不毛卑官餬口

竟何補捐棄什百收一毫執版仰看上官面可復直氣
陵羣豪夜剔殘燈賦招隱愁追交情廣楚騷豐約僅足
優龍具汗隆真可付馬曹共嗟孔奮不自澤政復所至
無脂膏向來枯策苦傷生塗窮却用陶性靈故人肯來
問牢落河畔罷吟草青青夫誰急草脩期檄夫誰大刻
班超銘孽虜遊魂須畧刻燕然蒼石高崢嶸橫槊千篇
月三捷是責捨子誰當能可遽學我賦歸來臨流欲濯
襟袂埃老子期君舊不淺看上要津舒壯懷烏驚兔急

易寒暑堯莫不辨供合開文字玩世請少息盛時難得
君念哉昔人聽謀取一得勿以老耄資笑哈君不見壯
歲一跌子陳子江湖畢世甘低回不問事 樂于歸

問半次韻楊宰食鱉

長翁服食僧樣清灌園得閑收落英壯歲頗營口腹事
岡有且罟梁有罾大截每快屠門嚼美酒慣陪豪士傾
酒邊最愛無長叟坐隅未揖先風生揮斥肴品進此叟
似去傖荒遊上京王謝家兒負販子氣味不待口舌爭
年年屬饜不汝厭勇向上黨人夸矜一從多病戒奇嗜

屏絕鱗介疎薑棖水中之怒寧阿系丈室高臥幾淨名
二年閑殺把螯手久要藥裹熏爐并旱後籃筐薦蜺越
君乃下筯收所憎銘盤久斷舊嗜好垂涎忽誦新歌行
射陽浦口霜耿耿繁梁埭頭霧冥冥及今尖團日供百
莫孤君家竹葉清

射陽最出蟹自繁梁入城故云予嘗
傳無長叟無長無物也今秋此物艱

得而

送羊侯因簡崔帥

殿廬護嚴外蕃宣崔侯文武能兼全石城之政列城先
迄今遺愛春與妍爾來淮上提帥權淮民歌舞且晏眠

術業可但朝路傳異域南首爭駢肩舊故顧念無愚賢
如我衰病霜滿顛眷眷未肯卽棄捐一紙緘春飛墮前
嬾拙雙足如繞纏欲往謝之尋回船每獨念之幾針氈
叔子北歸氣翩翩棋酒辨與君周旋未醉定復譚臞仙
知我抱犢方東田黃堂名酒壓香泉香泉高郵佳酒名淮白不
下槎頭鱸叔子亦駐當還轅有人北望心拳拳無使渴
德垂饒涎外視辭論盤人樽書說我聖或或請祿福
二平次韻張守垂虹亭駐蹕寒熏歎并旱外道當薰與
聞道垂虹舒遠目江波浩蕩江天晴江城竹馬待已久
未妨小寒漚鷺盟郡民焦嗟歲不孰丈夫慨慷志在行
盛時陳力要接浙遮莫常譚嗤老生

賦哉再分韻得花字

春工幾時來天涯人間指顧成豪華未歎丹杏無餘葩
能事已到桃李花東園地勝賓盡嘉塵邊霏屑杯中霞
將壇令下手一义陣勢歛變常山蛇眉顰肩聳靜不譁
詩成笑語還紛拏吾儕此樂世莫加聚蚊金谷何足夸
但恐兒輩搖齒牙法士亦復工疵瑕君且休矣吾還家
况復高柳翻倦鴉徑催紫衣巾小車我亦款段隨揮撾

贈趙子野

子野分韻得日字借其韻

長翁飲得腹爲實

趙侯論交膠在漆
官曹未肯孤吟賞
車載鴟夷挽衰疾
樓前紅樹媚晴霽
樓間清風細披拂
崢嶸帝皞專花事
彷彿江妃奏瑤瑟
巾欵憤墮人傲兀
堂堂飲興方未畢
眼看韶華吾囁嚅
氣摩蒼昊君豪逸
人間樂事易陳迹
便恐清歡轉頭失
孰知椽筆今詩史
煩君揮毫記今日

益津贈劉行甫

分韻得耳字

劉郎雍容古君子

平時人指原夫耳
忽然闖我風雅壇
疾雷破柱蛟龍起
豫章可棟今七年
魏舒驚人纔一矢
後來獨步君仲宣
撫斲輪具吾衰矣

次韻趙子野贈別

白地倒海翻重湖

趙侯塗改插架書
石麟角犀清而腴
了知不是山澤臞
舌官齒商鳳將雛
一笑著我東郭筍
曹後鮑前君指呼
郊寒島瘦君童奴
翠鳳未齧口不糊
吮漱沆瀣騎兎烏
擘水挹取驪頰珠
掛作白月照海隅
丹山阿閣久榛蕪
跳梁餓鴟啼鴉鴣
兩鳥囚作轅下駒
巨靈蹶起張怒鬚
一鳥呻啄羣翼趨
向來偃什須君扶

大篇落手吾戒塗春風得意掄翠裾東西州爾非秦吳
猶金玉音寧所圖
送曹器遠從使虜
暑風掀面黃塵底曹侯據鞍輕萬里曉趨官程夜未休
不為功名為知己男兒生有四方志誰能俛眉婦車裏
周原咨度使塵飛漢官威儀渠潁泚異時橫草恐不免
此去灌瓜聊復爾赤縣神州吾舊物文謨武略君奇士
列聖恩波迄未涯百年胡運今如此山川險隘須默究
他日上前煩聚米殺胡之林定何許持酒遐望一啓齒

歸來有句敵車攻老子滯懣資一洗

送二趙金陵秋闈之行

君家種德麻葦似兩郎今日東南美石麟角犀互輝映
拄腹撐腸皆錦綺賢書聯翩取如掇文字欲貴江淮紙
步光久匣自光芒勃姑所指當披靡去去秋風鼓鵬翼
翱翔烟霄此其始建鄴山川古雄麗平分勝槩供筆底
氣陵鍾阜峰頭雲辭傾白鷺洲前水聯壁不難先衆後
歷塊仍能輕萬里平日雙眼不屢青奇窮一生端坐此
卽今意氣為君傾老子閱人蓋多矣

送劉常父秋試兼簡行父

良樂佇目思驥子工師擇材須杞梓劉家昆季寧近用
直幹百圍日千里戲綵之暇同鷄窻平挹千古如探囊
尺筮政自無堅彊况腰烏號手魚腸鄉邦驚歎有此客
一筆與翁箭鋒直秋賦春闈溷子爾老子賀書已濡筆
香名聯翩傳里閭珠宮貝闕方權輿他年日奉平反笑
更勝而今讀賀書

題六么後

愛愛少日淫奔女愛愛死作貞烈婦東隅一跌收桑榆

竟得佳名傳樂府男子處死正自難此女厲志雪栢寒
至今挺挺在人目詩翁作詩垂不刊誰畚此詩入宮羽
檀唇緩歌細腰舞直掩霓裳羽衣曲更問離魂饋漿女
且玩此舞空金卮莫奏此曲增悲悽蘭摧蕙枯崑玉碎
不如人家嫁狗隨狗鷄隨鷄百年佳麗終枯飢汝名芬
芳無已時捨生狗義渠安之而我更用興悲爲我悲所
悲人不識撫事懷人悼今昔翻雲覆雨行路難君不見
買臣之妻彥升客

陳伯固史君禱雨得雪爲作

妖魃肆虐挺餘災麥田未麥空黃埃饑民忍饑守鄉土
倚公力挽和氣回梵筵告早初拜手補陀仙人已回首
楊枝一麾神受職雪龍占先效奔走飛翔作意擅曉昏
膏潤趁時救枯朽人名此雪宗永雪祈禳取攜屈伸肘
德政可但人間最大士與徒龍與友閔雨競喜雪應祈
今段尤拜天賜厚歸前帝席指日冀更遣奇祥福諸後
太歲在戌如在酉看取乞漿還得酒更問
次韻楊宰日持念
頭顱敢意封戶牖飲處往往推祭酒宜人珍果亦鼎來

把杯未省嗟不偶拳栗御棗玉山奇南北氣殊仍地醜
少日詩人鱸鯨興莫年醉客持螯手令君未負將軍腹
襍積琅玕向誰剖三珍薦槃脩從事倏然徑訪無何有
詩來可但落饒涎萬卷更慙王季友

送赴省七子

憶昔塗抹鬢未秋著書初不緣窮愁交契往往第一流
愛且助之恩意周翳桑槃飯驚浪舟如輶轉轂需膏油
疾需妙劑寒需裘李郝硯席初綢繆陳趙進脩警墮偷
出語鑿鑿珊瑚鈎三臧筆底風雨道丁年出我便一頭

江州長翁文集卷之十一
儒林丈人拔其尤賢書政用譚笑收七子寂寂從我遊
窮人累人君信不迄今里閭聞沈浮玉音下天正旁搜
南宮之行勿夷猶巨魚縱壑鷹辭鞫鴈塔岐路隣崑丘
捷音聯翩走吾州壯志此去不啻酬士抱奧學追前修
噤不施世吾儕羞肯臥少室甘沈幽肯闖侯門提蒯緱
賢科夷塗古共由論才君等誰與儔可學老子拙自謀
所向數奇老不侯一樽上盡猶未休索句軋軋蠶緒抽
不作兒女聲悲啾倚須接武拱帝旒付我一竿釣滄洲

石湖兩帖還李推官

石湖老子家蓬丘一笑俯作人間遊風度人品第一流
結字亦復無朋儔還軫蓬丘俄十秋恍開此帖指病眸
便若執鞭侍瓊舟狂奔渴驥騰驚虬斷圭折劍紛然投
蜚虹曳霞爛相繆人間至寶人貪求無間珣琪雍琳璆
彼此輕重寧其侔借我肯作一月留我癡不減顧虎頭
還君孰視仍牢收愛護幸免惡客偷亦幸不污寒具油

陳學正惠詩酬以長句

寒風折人粟生膚局坐掩戶孰與娛吾宗高義駕爲迂
新詩爛粲尉槁枯一百十二驪龍珠春意誰遣生座隅

吾宗學力源委俱決爲巨川
瀦陂湖粉袍未脫口未餬
氣凌雲霄色敷腴肝肺向我每傾輸
我老舊學慙榛蕪
妙語正賴君起予不辨仄李酬瑤琚
病鶴曳翮寒松臞
可復飛動索故吾

陳學正孫學錄有詩復次韻

俗子敗興蚊啞膚獨賴勝士相嬉娛
彼異趣者嗤我迂
豈知木茂水不枯繫山韞玉淵懷珠
二子豪爽仍廉隅
才名角立風義俱詩筆爲我翻重湖
雨膏霧沫春模劬
佳節尚忍孤雲腴古來左角計羸輸
但有丘隴埋煙蕪

願言公等常娛予不辱短褐榮瓊琚
山雌卑飛未妨臞
更用烏烏歌吾吾

戲作

飲食小過不佳趙帥招

飲淡食止酒因成古詩

蘇東坡詩

書生稟賦紙樣薄平日扶衰惟粥藥
一日飲濕小嚙肥
河魚數日煩醫治佳辰府公約把酒
嚴斥厨丁預節口
借問主賓醅酢餘還許公榮袖手無
厚味腊毒古不予
如作病何仍古語生世例非金石堅
支離如我更可憐
饒嚏動使諸病入冷坐亦復百憂集
彭殤瘠肥本自齊
此理祇許蒙莊知筋下萬錢無足取
厨薦三韭徒自苦

法士語飲應且憎何如臥客懷中醉不膺焚酣任人嗤
 穀伯何如辟穀高人師黃石陳遵張竦柄鑿夫何為彼
 此未可相是非七十老翁誰能促戒縛此戒醉死病殂
 吾命在實謂猶翁茲信公榮醉手無乳和韻毒古不字
 何魚次陳倅同年瓊露酒詩韻此韻賦氣孔風丁時前日
 君家家釀人家無市酷漓澁真剥膚朝來洗盞醕先酒
 凝去若金莖秋露珠色香第一味稱此輿臺桑落卿玉
 聲去腴客間公榮不共飲主人恩意無乃孤歡伯三益能娛
 予愁城九守付摧枯淮鄉香泉豈其徒魂夢枉用馳粉
 榆君家家釀人家無渴羗惱君君恕乎為君劇飲首就
 濡可待謀樂間憂虞

題高夢錫指牛圖手寫華旦次卷以致何詩補

將軍向來馬量谷封君劣比羊千足浮雲富貴漫夸毗
 不博范叟回青目此叟落魄水墨仙松煤染指皆其天
 奏刀浪詫牛無全寢訛降飲二百角身不服箱鼻不穿
 觥觶肯受衆目憐高郎画偏米家船此軸寶重一當千
 老子老欲耕淮壩蒼棊詩滿高下田政用百尾收烏犍
 刀劔縱售能幾錢展掩此畫空惘然平日幽趣終拳拳

此叟儻可作九原画我草履麻爲鞭經挂牛角羣牛前
朱郎滿腹抱賢業壯歲彈鋏仍哀歌飛將未侯方朔餓
天無老眼如子何紛紛過眼日百十超拔如君信難及
平陵筆陣吾敢支穩掇世科人所必小兒鹿鹿空肩隨
血指汗顏驚崛奇於菟一嘯百獸懾誰顧露草寒蛩悲
詩書鼓吹且強飯舜咨臯謨適華旦功名迫逐可得辭
等閑莫詠南山粲

蘇軾再次韻入宋無感美謝氏昔吟乎爲吾感增首竦

男子負抱成蹉跎唾壺自擊商聲歌此聲此意誰解領
政用折柬招羊何人言百里半九十它日聰明嗟不及
雲衢倚袂夢空勞神武挂冠吾已必久要但有窮鬼隨
此鬼亦使文怪奇推敲慣嘗京尹怒登臨肯興賦客悲
蠶蟻可浴牛可飯農家星候知昏旦不妨婢子辦黃紬

更貸鄰僧供白粲

蘇軾次韻

效姑又文

東園千樹遙白紅攜壺滿意一醉同向來可是君宿諾
政復急雨斜驚風縣知此興未渠盡暖日晴雲豈終吝

叩門日聽長須來老夫於子驂之靳郊日暮雲豈待春池照影紅錦衣鴛鴦與鴨同低摧金籠鸚鵡頗許語解道春色冷寒灰客來命笑還錯莫此情不似君情薄會須把酒杏花前祇喚茶甌充罰爵

主人怒諸妓故及之

蒼顏無酒不能紅坐窻袖手禪衲同幾時義馭肯憐客滿意花卉搖光風樽酒向君懷抱盡賡歌劇譚恣悔吝更看珠玉聯翩來孰云猛乞猶小靳守日鄭門望不又樽前罷唱金縷衣花為薦萎玉為摧欠俸舊識名駒子

后山語 蘭艾一燎同飛灰匆遽不及呼莫莫春愁禁人酒力薄擬令大白徑浮君畢獻繼今仍此爵

次韻魏知元

詩人索詩無乃俗我乎索之更虛辱從來東郭濫吹竽繆使尾續陽春曲此腹涸矣勞誅求我老知耻吾罷休使君拂雲敞新樓且可一醉同樓頭

是日真州拂雲樓賣酒

翁復再用韻

青樓琴客信超俗俗外客子幸臨辱定知略眼歲寒枝肯負平生白頭曲雌鳳雄鳳副所求和鳴之樂方未休

暗香疎影春借力更看青子駢枝頭
味鳥之樂式未林
次高賓王餞徐南卿韻
幸詞忍空賦
徐郎坐窮無幾請千里過我身
將影未辨還轅梅雪漂
頗憶離家鴈天冷高郎表表今
子雲等閑落筆詩中君
學力不爲救飢分歸從夫子收
奇勲并未賦揮吾羅袖

贈畫士龔子

龔子年平素之更畫氣益來東
溥滋知辛

古人論畫索畫外世俗區區較形似
眼明亦有可人者
龔子画形兼画意
蘂蘭春蕙相與芳
梅花照影生暗香
倚煙映霧各夸嫵
併作短軸供寶藏
斬新雪色三丈壁

勝日煩渠揮淡墨
楂牙老樹對醜石
龍騰獸伏起恍惚
松底跳波隱隱轟
千輦石間橫斜風
竹相因依長翁雅
趣在水竹新開湖
南規辨五畝綠
此松此石偕四友
身未出門先在目
暮年供給良易足
龔子惠我真絕俗
萬錢酬贈不領願
新詩渠能飽君腹
平生好事吾屢空
龔子好事未後翁
藏詩寶画從人笑
與子把玩無終窮

某呈趙帥

訪帥困于腰鋪次
日帥聞到招飲

某公筆天無賦興

雨行本自貪風便
四十里程真劈箭
長年攤錢夸半仙
一炊黍頃風頭轉
生世快意多所辱
葉舟瓠壺浪如屋



